



Pagina 5

Conclusion di paisnan di Caribe Hulandes: No ta cuestion di papia di siguridad di cuminda, sino con pa yega na dje mas lihe posibel



Pagina 3

- **Departamento Arubiana-Caribana; Un "caha di tesoro cultural" pa comunidad Arubano**

Pagina 4

- **Colombia: Senador tira na juni ta cay back den condicion critico**

Pagina 10

- **Zelenskyy ta rechasa entrega formalmente territorio Ucrainiano**

Pagina 24

Aventura di snorkeling
cu turtuga: Promocion di
Producto Aruba of peligro
pa naturalesa?



Pagina 2

Haiti ta declara tres luna
di estado di emergencia
mientras gang ta destrui
region central



Pagina 11

Netanyahu ta defende
ofensiva militar nobo
den Gaza



Pagina 23

CELEBRATING FORTY YEARS

2,000,000
SUMMER
POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or
16 Table Credits and play again – up to 5X each day

See Players' Club for full rules. Points can be converted to Free Slot Play.

Alhambra
CASINO AND SHOPS

Open daily 10am to 3am
J.E. Irausquin Blvd #47

288.9000 | casinoalhambra.com

Aventura di snorkeling cu turtuga: Promocion di Producto Aruba of peligro pa naturalesa?

Den e ultimo siman cu a pasa, Bon Dia Aruba a trece varios incidente dilanti cu a causa hopi preocupacion y rabia den pueblo. Esakinan tabata relaciona cu trabao of actividadnan den nos naturalesa cu tabata parece peligroso pa nos recurso-nan natural y en contra di e movimiento creciente pa sostenibilidad y preservacion di naturalesa.

Den e luna di juli so, a trece dilanti dos caso unda a mira un degradacion di nos naturalesa. Prome tabata e matanan di mangel den salina di Savaneta cu ta completamente seco y morto. Despues a surgi e caso di instalacion di palapa na Mangel Halto, unda a mira trabao di cobam-ento den calichi. Tambe a hala atencion riba e tournan di areanan “scondi” di Aruba, frecuentemente den areanan vulnerable y unda no tin recursonan pa garantisa seguridad di participantenan y e naturalesa alrededor.

Diabierna atrobe a mira un otro caso treci dilanti pa un usuario riba Facebook cu a

comparti algun potret di turistanan landando cu turtuganan den lama. E usuario a bati alarma debi na con cerca e turistanan ta landa banda di e turtuga y e cantidad di turista cu ta rondona un solo turtuga. E usuario a mencioná e compania Sea Turtle Aruba, cual ta ofrece tournan di snorkeling cu turtuga. E usuario a apela publicamente na e compania pa implementa regulacionnan mas estricto pa e participantenan, limita e cantidad di participante, educa nan y mantene un distancia for di e turtuganan.

Reaccion riba e publicacion aki tabata mixto, cu varios comentario burlando di e usuario y otronan sugeriendo cu e situacion no ta di preocupacion serio. Sea Turtle Aruba mes no a reacciona riba e publicacion. No obstante, e asunto aki ta subraya atrobe e preocupacion creciente cu ta reina den pueblo pa con nos ta anda cu nos naturalesa y atrobe ta trece dilanti e pregunta: Actividadnan asina ta promove Producto Aruba of ta crea peligro pa nos naturalesa?



Reaccion di organisacionnan

Bon Dia Aruba a tuma contacto cu varios organisacion cu ta dedica na proteccion di nos medio ambiente, entre nan Aruba Conservation Foundation (ACF) y Turtugaruba. Ambos a comparti nan reaccion tocante e asunto aki.

Di parti ACF, a indica cu e situacion aki ta uno cu nan ta denuncia completamente y semper ta boga pa e tipo di tournan aki no ser opera di e manera aki. Sinembargo, como un fundacion cu no tin hurisdiccion pa aborda e situacion directamente, no tin mucho cu nan por haci cu no ta sigui educa y boga pa mas proteccion. Y ta mas dificil ainda pa nan tuma accion den areanan cu no ta protegi pa ley y pues no ta cay bao di nan maneho, cual ta unda mayoria di e tournan aki sa tuma luga.

ACF a continua di bisa cu pa loke ta creacion di ley pa proteccion di naturalesa, Directie Milieu en Natuur ta e instancia cu ta encarga di esaki. Bon Dia Aruba a acerca DNM pa puntra ki sorto di ley tin pa proteccion di turtuga. Pa motibo cu e caso a surgi riba diabierna mainta, Bon Dia Aruba no por a haya un reaccion inmediato for di e instancia te ciere di e edicion aki. Sinembargo por a logra haya mas informacion tocante leynan di proteccion riba e website di DNM.


Segun Artículo 7 di e ‘Natuurbeschermingsverordening’ (AB 1995 no. 2), ta prohibi pa captura of stroba intencionalmente e estado di sosiego di un bestia salvahe referi den Artículo 4 di e mesun verordening. Pa loke ta bestianan cu ta cay bao Artículo 4, esaki ta encera diferente fauna y flora riba nos isla, incluyendo e Chelonia mydas of Tortuga Blanco / Green turtle cu ta popular den areanan di Malmok, unda e tipo di tournan aki sa tuma luga.

Strobacion por encera actividadnan directo manera mishi, of gara e bestia, pero tambe por encera e presion cu e bestia por sinti den su ambiente si tin varios hende ta rondon’e y purba saca potret. Bon Dia Aruba tambe a acerca Turtugaruba pa nan perspectiva tocante e situacion di snorkeling tour cu turtuga. Un vocero pa e organisacion a señala cu nan ta na haltura cu e operacion di Sea Turtle Aruba y sa hasta tuma un bista con nan ta opera nan tournan. Aunke nan no ta apoya e tipo di tournan aki tampoco, e vocero a splica cu e compania ta na haltura cu mester mantene distancia y no mag di mishi cu e bestia, ademas di otro medida cu nan ta conscha di tuma.

Sinembargo, e fundacion a enfatisa cu e compania aki no ta e unico cu ta haci e tipo di tournan aki, y tin varios operador cu no ta mesun dispuestu pa cumpli cu e reglanan pa con pa anda cu e turtuga-

nan. Ademas, e fundacion ta enfrente e mesun obstaculo cu ACF den sentido cu nan tampoco no por haci mucho cu excepcion di conscientisa y siña companianan di tour con pa anda cu precaucion. Asina mes, a splica cu hasta e parti aki ta dificil pa haci, pasobra tambe bo ta mira situacionnan unda un landador ta acerca e turtuga riba nan mes a pesar cu tin borch di advertencia den bisindario.

Pues ta parece cu a pesar cu varios experto—y hasta un ley—ta denuncia e tipo di actividadnan aki, ta parece cu aplicacion di e ley of consehonan aki ta laga di desea. Den nos ultimo articulo tocante e situacion di palapa na Mangel Halto, a cuestiona si Cuerpo Policial tin un rol grandi pa hunga den sigura cu instancia, compania of individuonan no causa daño na nos naturalesa, y awe nos ta enfatisa esaki atrobe. E falta den aplicacion di ley y control pa casonan asina ta birando mas y mas visible, lagando ciudadanonan puntra nan mes unda maneho a keda.



Conclusion di paisnan di Caribe Hulandes:

No ta cuestion di papia di siguridad di cuminda, sino con pa yega na dje mas lihe posibel

Siguridad di cuminda ya no ta un escogencia sino un necesidad. Esey ta e mensahe cu a sali afo di e di dos reunion di Dutch Caribbean Agriculture, Livestock and Fisheries Alliance, DCALFA. E encuentro a tuma luga na Boneiro algun tempo pasa, unda como 50 representantenan di tur e organisacionnan encarga cu agricultura, cria y pesca di e paisnan den Caribe Hulandes y tambe di Hulanda, a reuni pa discuti e tema 'Bridging Islands-Cultivating Growth'- Conecta Isla -Cultiva Crecemento.



E evento a enfoca riba fortificacion di colaboracion regional pa siguridad di cuminda, resiliencia economico y desaroyo sostenibel den e sector primario. E obhettivonan strategico di e conferencia ta inclui reduccion di dependencia riba importacion, fomenta comercio entre e islanan, implementa sistema unifica di data, ademias di integra sostenibilidad y innovacion den sistemanan di cuminda.

Un tema central durante 'Conecta Isla-Cultiva Crecemento' tabata pa eleva productornan local, manera agricultornan, criadonan di bestia, piscado y hobennan, como agentenan di cambio. E sesionnan a enfatisa e frustracion y aspiracionnan di trahadonan di sector primario, cu yamadonan pa reforma di maneho, condicionnan di mercado husto, educacion y inclusion directo den e proceso di decision. Hobennan tabata pidi pa entrenamiento basa riba integracion cu tecnologia y opcionnan di carera hopi cla den agricultura moderno.

A discuti siguridad di cuminda, ademias di e financiamiento cu ta esencial pa yega na esaki. Participantenan na e conferencia a reconoce cu e aspecto aki ta uno sistematico, cu ta rekeri acercamento holistico. Por ehempel, e ta nifica revisa derechonan riba tereno, adaptacion climatico, logistica y hasta cambio di forma di come. Gobierno di Hulanda a aloca 24 milyon euro den un fondo di siguridad di cuminda, cu mester sostiene infraestruc-

tura, preparacion y acceso na prestamonan barata. Pero preocupacionnan riba 'equity,' esta propiedad di balor, inclusion den e sistema di pesca y habilidad pa yega na fondo/subsidio ta enfatisa e necesidad pa implementacion cu ta tene cuenta cu e situacion local.

Colaboracion regional y internacional

E gabinete di Enviado Special di Hulanda a presenta oportunidadnan pa financiamiento y desaroyo di proyecto bou capa di Union Europeo. Ya caba tin proyectonan andando na Boneiro, cu ta ilustra modelonan demostrativo cu ta innovativo y cu facilmente por amplia den agricultura digital y uso circular di recursonan. Ta trata di e proyectonan PHITO, cu ta un aplicacion dirigi na innovacion y conscientisacion di sistemanan di cuminda, cu ta brinda agricultura digital y conseho di mercado, conectando agricultornan y consumidornan. E app ta activo na Boneiro.

Otro ta BonCirc, cu ta Sustainable and Circular Organic Waste and Sargassum Management, cu ta enfoca riba maneho sostenibel di fluhonan di sushedad organico. Ta investigando con por haci uso di e resto organico pa e forma parti di economia circular na Boneiro.

Ademias, Boneiro tin e proyecto di monitorea pesca cu ta enfatisa e importancia di e papel di data den afirmacion di derechonan internacional di pesca y sostenibilidad. Harmonisacion comercial y di maneho riba bareranan

internacional, tanto logisticamente, legal y fiscal tabata un punto cu participantenan a keda señala durante e conferencia. A puntra particularmente pa acuerdonan entre islanan. Un aspecto ta proceduranan di duane simplifica y proteccion di prijs, a ilustra. Mes crucial ta implementacion di standard pa siguridad harmonisa pa calidad di cuminda y strategianan pa mercadeo regional.

Innovacion local y inspiracion

Durante e encuentro na Boneiro, participantenan por a observa iniciativanan di impacto halto, manera agriturismo, reforestacion sostenibel y cadenanan di balor artisanal. Door di experiencia e actividadnan aki a demostra cu viabilidad economico y cuidio ecologico por bay man den man cu resiliencia di comunidad y preservacion di e rikesa cultural.

Siguiente pasonan

Na final, participantenan conclui cu mester bin un union fuerte entre e paisnan Caribense Hulandes, pa sigura cu ta pone den practica locual a palabra. E siguiente paso awor ta pa yega na e fortificacion formal di DCALFA como e organo cu mester coordina e trabounan aki. Es mas, e organizacion awor ta encarga pa ehecuta e compromiso pa finalisa e cuadro regional di data y informacion, percura cu ta continua cu e proyectonan piloto di comercio inter-insular y formalisa e status legal di DCALFA, pa asina logra yega na fondonan internacional ademias di por tin mas influencia den maneho. Particularmente pasobra manera un di e participantenan a mustra, ya cu "siguridad di cuminda no ta un escogencia, sino uno necesidad." Pa tal motibo mes, ta pa medio di accion comparti, DCALFA por traha e caminda pa un Caribe Hulandes cu ta mas autonomo y resiliente.

Presidente di DCALFA, Natalie Maduro di Santa Rosa, a bisa cu ora reunionnan asina ta fomenta crecimiento ya cu ta comparti conocimiento y ta stimula otro. No solamente a lansa e website di DCALFA, pero mes importante, a reimagina un maneho di pesca nobo, mientras cu a enfoca



tambe riba e tema di financiamiento di siguridad di cuminda y alabes, tende di e perspectiva di hobennan activo den agricultura, cria y pesca.

"Nos a profundisa nos determinacion colectivo. Ya nos no ta papia si dependencia propio na nivel di region ta posibel, sino awor ta mira con hunto por yega na esey. Como Presidente di DCALFA mi a mira un confianza creciente riba nos islanan, unda ta kere den nos mesun habilidad pa innova localmente, pa comercialisa e sector na nivel regional y tambe

pa eherce influencia internacional." Segun Maduro, e organizacion ta mas cu un plataforma, e ta un vehiculo cu ta maneha pa unidad pero anca den accion. "Sinembargo, e ta rekeri si liderazgo continuo, alinea maneho y inversion. E ta rekeri confianza entre Gobierno y productornan, entre generacionnan y entre e islanan mes." Maduro a agrega cu mester sigui scucha di esnan cu ta produci den e sector, no pa djs aplaudi nan, pero netamente pa por sobrevivir y sigura autonomia.

Departamento Arubiana-Caribana; Un “caha di tesoro cultural” pa comunidad Arubano

E Departamento Arubiana-Caribana di Biblioteca Nacional Aruba ta carga un importancia sumamente profundo pa e historia di nos isla. E ta describi como un caha di tesoro cultural unda por haya documentonan original, escrito y produccion cu ta forma parti di e memoria colectivo di tur Arubiano. E departamentu aki ta conserva historia social, cultural, politico y economico.

Parti di e responsabilidad di e departamento aki ta di colecciona, warda, organisa y preserva e herencia documenta di Aruba y exhibi esaki pa henter comunidad por disfruta di esaki.

Bon Dia Aruba a bishita e departamento aki y a comparti cu Zetsia Ponson, ken ta un especialista di informacion y cu ta traha den e Departamento Arubiana-Caribana.

Sra. Ponson a splica cu e departamento di Arubiana-Caribana ta unda “nos ta colecciona, warda y preserva tur locual a wordo skirbi tocante Aruba, sea door di un Rubiano of persona di afo. Nos tin e herencia documental di Aruba.” El a conta tambe cu e parti di Caribiana ta nifica cu “e no ta Aruba so, sino Aruba, Boneiro, Corsou, Saba, St. Maarten, St. Eustatius, un coleccion chikito di Surinam y un coleccion mas grandi di e Islanan Ariba.”

E departamento di Arubiana-Caribana, ta conta cu varios coleccion diferente.

Coleccion Nacional

Cumpliendo cu e tarea di conservacion di e patrimonio, a crea e departamento di Arubiana unda ta colecciona tur buki y documento cu ta papia di Aruba of a ser skirbi

pa un persona cu a nace of biba na Aruba manera entre otro manuscrito, pamfleta, buki, corant, video, potret y tur loke ta un creacion intelectual. Tambe ta tene un coleccion di Aruba cu a publica den exterior.

Den e coleccion aki, ta compila informacion den diferente tereno manera arte, musica, deporte y politica. Un coleccion valioso ta e coleccion di revista y corant local ademas di e medio audiovisual di Aruba. Den e medio aki ta inclui video, pelicula, diapositivo y potret. Tin porcion di e material cu ta proteha y ta usa solamente cu metanan di investigacion.

Coleccion “Antiguo”

E departamento di Arubiana tin bukinan y documentonan antiguo cu ta data te cu aña 1600. E bukinan cu tin den e coleccion aki tin un balor historico cu ta sumamente grandi pa nos paisnan.

Coleccion Antilliana, Caribnana y di Surinam

Den e coleccion aki tin tanto buki, revista, foyeto y te hasta un seleccion di recorte di actualidad cual a ser saca for di revista y algun corant cu tin informacion tocante e islanan den Caribe Hulandes, Surinam y e resto di e region di Caribe. Un parti di e coleccion aki tambe ta trata Aruba den e periodo prome cu Status Aparte.

Coleccion Hartog

Dr. Johan Hartog tabata e prome persona cu tabatin e funcion di bibliotecario na Aruba. E ta un persona cu tambe ta conoci pa su bukinan unda e ta conta historia di e 6 isla. Su coleccion tin un balor indispensable pa Aruba, mirando cu e ta contene mapanan bieu, recorte di articulonnan tocante Aruba y demas documentonan historico. E

herencia di Sr. Hartog a bira parti di e coleccion cu por mira na Arubiana.

Coleccion Ito Tromp

E coleccion aki ta consisti di varios documento etnografico, cual ta historia oral, investigacionnan y partitura di musica di compositornan, manuscrito di Rufo Wever, un gran cantidad di poema y algun storia di autornan cu nunca a ser publica. E coleccion a bira un parti di Arubiana na momento cu e Departamento pa Cultura y Educacion a cera na fin di aña 1985.

Publicacion di gobierno

Den e coleccion aki por haya rapport, relatonan anual y otro publicacionnan di diferente departamento gubernamental y demas instancianan no gubernamental. Den e coleccion aki ta ofrece por ehempel, documentonan cu por data te hasta aña 19000, e relatonan di Parlamento tanto di Antiya Hulandes como di Aruba y tambe “Landscourant Aruba.”

Coleccion digital

Actualmente, Arubiana ta den un proceso di digitalisacion di tur su documentonan. Na e departamento, tin computer disponible unda por lesa y busca informacion di un forma digital. Tin revistanan manera Scol i Komunitat, corant manera Arubaansche Courant di 1948 pa 1967 y corantnan mas reciente, diferente tipo di rapport, coleccion di potret y te hasta diferente tesis.

Coleccion Lago

E departamento tin un coleccion extenso di Lago, cual ta consisti di entre otro mas di 20,000 imagen, documento, material audiovisual, buki, corant, correspondencia, artefacto y articulo. Tambe tin material cu ta digital tocante lago manera articulonnan cu a publica den corantnan di exterior.

Ademas di e varios coleccion, tambe ta conta cu maneranan di buskeda di antes manera Kaartenbakken. Sra. Ponson a splica cu “prome cu Google nos tabatin kaartenbakken. Nos no a laga nan bay nunca. E no ta actualisa mas pero tin algun coleccion cu ta coleccion cera manera Ito Tromp, Sr. Hartog. Cada bes cu mi bay un pais y mi topa nan kaartenbakken, prome cos cu



mi ta haci ta busca Aruba.”

Aunke e varios coleccion cu Arubiana-Caribana ta conta cune tin un balor un poco mas aumenta den uso pa investigadornan, studiantenan di nivel secundario y mas avansa, escritor, artistanan tambe e tin importancia pa tur esnan cu ta interesa y ta busca un inspiracion den nos patrimonio cultural. Tur hende ta bon bini na e departamento aki. Algo sumamente conveniente y accesibel ta cu no tin mester di un membresia pa por lesa of consulta e material cu tin, aunke mester tene na cuenta cu den e departamento aki no ta fia, pues tur loke tin di haber cu e coleccionnan fisico mester ta presencial, sinembargo si por saca un copia.

Un parti cu ta un poco di lamenta ta e falta di uso cu como comunidad nos ta duna na e herencia cultural aki. Sra Ponson a comenta cu esaki ta posiblemente debi na e hecho cu poco di nos realmente sa cu e departamento aki ta existi, expresando cu “nos ta un departamento di biblioteca nacional ... nos tin for di 2018 den un gebouw separa, aunke en total nos tin 38 aña den existencia. Mi ta kere hopi hende no sa cu nos ta existi y esey mester sali afo.”

Aunke e plataforma digital ta traha sumamente bon, e ta un experiencia completamente unico y diferente presencial. Mira personalmente e articulonnan cu nos ancestronan a laga atras pa nos por identifica nos mes y conecta cu nos historia of simplemente conoce e isla na un nivel mas profundo como bishitante, ta algo indispensable. Pa por atende cu esaki, e departamento ta preparando, entre otro, un exhibicion tocante Sr. Johan Hartog, ken anteriormente nos a menciona como e prome persona cu tabatin e funcion di bibliotecario na Aruba.

E departamento aki ta un joya cual su balor ta incalculabel y ta lamentabel cu recientemente esaki a cay victima di vandalismo. Sra Ponson a conta cu 2 siman atras “diabierna mainta mi a yega y semper mi ta pone ketel yen’e cu awa pero mi a ripara cu no tin awa.” El a tuma contacto cu WEB sinembargo nan a informa cu no tabatin trabao andando den e area y tur cos ta mustra bon di nan banda, pues Sra. Ponson a bay check e meter e saki tabata cera. “Ora mi a habri e meter, awa a cuminsa basha bay riba caya,” y despues di investigacion rond a bin topa cu a bay cu “un 20 meter di tubo di koper.” E sospechosonan aki a purba dreña paden tambepa medio di saca un di e luznan “pero mi ta kere e distancia di plafond pa abao ta grandi y nan no tabatin trapi of nan a wak e censor den e skina.” A causa di esaki e departamento a keda algun dia sin awa pero danki na un respuesta y accion rapido nan por a sigui cu e operacionnan diario.

Mientrastanto, a tuma algun medida di seguridad manera cambia e luznan pafo y di pone camara pafo tambe. Aunke e ta algo lamentable y cu no mester a sucede, un parti positivo cu por saca di esaki ta cu e por yuda den mira unda por tin debilidad den seguridad y tuma medida pa evita casonan mas severo den futuro.

Tur loke tin di haber cu e historia di tanto Aruba como su rumannan isla ta algo di balora y mas den e formato aki unda nos por tende directamente for di esnan cu a bin prome cu nos, kendenan a laga atras tur loke nan a siña y colecciona tocante nos isla. Haci uso di tur e hermentnan aki lo yuda nos profundisa nos conexcion cu Aruba, y inevitablemente, nos identidad y amor pa nos isla lo crece.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

E discriminacion di cual ningun hende ta papia **E otro banda di e storia cu politicianan no lo muestra**

Aruba su gobierno di coalicion ta presentando nan plan di inmigracion como un paso di avance den direccion di “modernisacion” y “mayor eficiencia”. DIMAS a introduci un portal online, servicio di WhatsApp, permiso multianual, y un opcion nobo di “Arbeid in Loondienst FLEX” cu ta encera e opcion di permiti tenedor di permiso di larga duracion pa traha pa mas di un empleador despues di cinco aña. Dia 5 di augustus 2025 prensa local a reporta un aumento anticipa di e volumen di permiso (di estadia) relaciona cu trabao pa 2025 y “procedura temporalmente suavisa”. Pa hopi hende esaki ta zona manera progreso. Pero pa esnan cu a sigui e reglanan semper – pagando cada cobranza y deposito, renobando na tempo, y contribuyendo a traves di impuesto - esaki ta muestra mas manera move e palonan di gol pa beneficia esnan cu no a cumpli.

Esaki tin un holor di corrupcion politico cune, mescos nos a mira den e dos ultimo gobiernonan. E cambio di politica ta parce di ta tapa pa esnan cu a probecha pa añanan largo di emplea hende ilegalmente, mientras tabata pone den desbentaha hende y negoshi cu tabata opera segun regla. Den ultimo decada un parti significativo di trahador no documenta na Aruba a bin di e paisnan bisña manera Venezuela y Colombia, impulsa pa crisis economico y presion migratorio. Pero e problema clave no ta nacionalidad – e ta e fayto pa consistentemente impone ley existente y aplica nan igualmente na empleador y trahador sin autorisacion pa traha. Y sin imposicion equitativo di ley, regularisacion selectivo tin e riesgo di bira otro instrumento pa faboritismo politico y buscamiento di voto.

E realidad ta cu Aruba a tolera un mercado den scuridad pa varios aña. Tur hende sa cu tabatin trahador sin permiso y compania cu tabata emplea nan, ganando un bentaha riba nan competidornan cu si tabata cumpli cu ley. A pesar cu ley ta stipula cu compania cu ta emplea trahador no documenta mester paga multa di mas di Afl. 25.000, tabatin



poco prueba di aplicacion publico y decisivo o di cobranza. Ministerio Publico no mester di autorizacion di ningun ministro pa nan publica loke ta produci na hende captura y expulsa, y multa imponi riba trahador y doño di trabao. Tin cierto dato cu ta depende di e otro ministerionan, manera cantidad di peticion y permiso duna.

“Modernisacion” sin nivela e cancha (playing field) ta bira en realidad un recompensa pa ilegalidad den pasado recien. E disparidad ta mas cu cla: trahador legal a carga henter e peso: cobro pa peticion, deposito, renobacion, impuesto, y contribucion na seguro social. DIMAS mes claramente ta delinea e requisito y procesonan cu e solicitantenan mester sigui. Compania cu ta empleando di forma ilegal a gosa di beneficio financierano sin paga e consecucionan existi pa ley. Sin imposicion fuerte di ley, ta keda recompensa e incumplimento.

E coalicion ta papia di eficiencia y compasion. Eficiencia ta bon ora ta premia cumplimento y ta trata tur hende di manera husto. Pero eficiencia sin responsabilisacion ta manda e mensahe cu cumpli cu ley ta pa hende soquete. Ora un permiso FLEX ta habri e porta pa mas di un dunador di trabao despues di

cinco aña, y e proceduranan ta suavisa, e señal cu ta duna ta: “Loke a pasa den pasado no ta importa”.

Lo por tin e argumento cu esun cu ta pidi e permiso awor no ta e empresa cu a abusa, sino un compania cu record bastante bon, manera un hotel of restaurant conoci. Nan lo bisa cu nan no tin nada di haci cu loke e empleado nobo cu nan tin na vista tabata haci cerca otro compania den e añanan nos tras. Sinembargo, esaki ta laga un buraco den e meta pa transparencia. Si empleadonan kier pa procesa nan permiso, anto papia prome. Cerca ken bo a traha?

Un politica husto mester:

- Aplica y impone ley prome – lansa un campaña fuerte contra empleador cu a usa trahador no autorisa, impone y cobra multa, y solamente despues considera regularisacion.

- Proteha esnan cu a cumpli – duna prioridad y beneficio economico tangible na esnan cu por proba cu nan tin un historia consistente di cumplimento.

- Regularisa cu condicion – Compania cu a beneficia di contratacion ilegal mester paga restitution prome nan trahadornan por pasa pa status legal. Trahador cu a traha sin autorisacion tambe mester cumpli cu nan obliga-

cion.

- Sigura transparencia completo – publica dato cada kwartaal di cantidad di permiso, duracion di procesamiento, accion di imposicion di ley, multa imponi y cobra.

Si Aruba ta serio tocante modernisacion, e prome stap mester ta pa honra esnan cu semper a sigui e reglanan: cobra loke ta debe, compensa esnan cu a cumpli, y despues expande e sistema. Si no, e mensahe ta bon cla: Bo ta mas sabi si bo sinta warda pa e proximo ‘suavisacion’ di e reglanan, cu cumpli cu nan na prome lugar.



Minister Gerlien Croes a firma acuerdo strategico pa educacion culinario

Recientemente, durante un ceremonia oficial na Colegio EPI, minister di Educacion, mr. Gerlien Croes, a enfatisa riba e rol fundamental cu educacion tin den forma un futuro laboral solido y sostenible pa Aruba. E evento a marca e firmamento di un acuerdo strategico entre ATA, EPI y SEPBB, pa un colaboracion clave cu ta enfoca riba stimula y eleva e nivel di educacion culinario na Aruba.

Un iniciativa como un paso strategico den direccion di un sistema educativo mas conecta cu e necesidadnan real di e mercado laboral y e aspiracionnan di nos hobentud. “Nos mester ofrece na nos hobennan un educacion cu ta relevante, inspirador y cu ta prepara nan pa e mundo real. E aliansa aki ta muestra con, hunto, nos por crea oportu-



unidadnan cu ta impacta positivamente e bida di nos estudiante y e futuro di Aruba”, minister Gerlien Croes a expresa.

Minister Gerlien Croes a indica cu e crecimiento con-

tinuo di nos sector turistico — particularmente den gastronomia y hospitalidad — ta crea un urgencia pa desaroya y forma talento local di calidad. E Plan pa Stimula Educacion Culinario 2025 ta inclui tayer practico, experiencia interna-

cional, evento pa estudiante y lesnan innovativo, duna door di profesornan y expertonan di e industria.

“Nos educacion mester garantiza un brug entre scol y e mundo laboral”. E Plan Cu-

linario ta precisamente esey: un proyecto educativo cu ta empodera, inspira y prepara. Esaki ta un ehempel di con nos por integra educacion, hobentud y industria pa crea un Aruba mas fuerte”, Minister Gerlien Croes a agrega.

Ministerio di Educacion ta compromete pa sigui traha den direccion di un sistema educativo moderno, inclusivo y conecta cu e realidadnan di manañ — un sistema cu ta capacita nos hobennan pa keda na su pais y contribui cu orguyo na su desaroyo. Un gradicimento na ATA y colega minister di Turismo sr. Cicilia como partner strategico di e iniciativa aki. Minister Gerlien Croes ta keda subraya e importancia di educacion como base pa desaroyo di e futuro laboral di Aruba.

Parlamentario Endy Croes (MEP):

Necesidad pa educador ta grandi na Aruba

Parlamentario Endy Croes “ta lamenta masha hopi algun expresion di [minister di Enseñansa, Deporte y Relacionnan di Reino], Gerlien Croes (AVP), cu el a expresa si-man pasa net promer cu el a sali pa Paraguay,” segun un comunicado di prensa.

Minister Gerlien a realisa su di 3 biahe riba custia di pueblo den apenas 4 luna di trabou y ta conta cu 30 dia den exterior den 120 dia di trabou. Na su salida pa Paraguay recien Gerlien a declara den prensa algun preocupacion den enseñansa cual nos lo ripiti awe y lo reacciona riba nan.

Necesidad pa educador ta hopi grandi

Gerlien Croes a splica cu e necesidad pa educador ta hopi grandi. Algo cu Gerlien a descubri apenas awor. Comokiera cu constantemente Gerlien ta den exterior y kisas no a pone atencion debido na esaki y awor finalmente e ta biba cu e realidad berdadero di Aruba. Ta algo cu for di basta tempo ta conoci den e veld di enseñansa. Bo trabao como minister ta pa bin cu solucion.

Hopi docente ta sali for di veld of ta bay traha duna les na otro pais

Gerlien Croes a declara tambe den prensa cu hopi docen-



te ta sali di e veld bay haci algo otro y tin hopi ta bay duna les na otro pais, manera entre otro Bonaire. Segun Gerlien como cu e salario pafor di Aruba ta mas aantrekkelijk y e condicionnan ta mihor. Pues palabranan di Gerlien. Nos ta reacciona puntrando Gerlien Croes ta den cual mundo e ta biba? Hustamente Gobierno anterior Gabinete Wever Croes 2 a traha riba un estructura di salario nobo pa docentenan y a laga esaki cla pa un consejo final na DRH. Mira bo ‘overdrachtsdocument’!

‘Adviescommissie’ Re-

structuración Salarial di Maestro

‘Aviescommissie’ aki di cual SIMAR a forma parti a traha desde november 2023 riba un consejo pa e minister anterior. E consejo final aki ta firma pa tur experto incluso SIMAR. Number di e documento ta ‘Leerkracht Beter Betaald, Onderwijs Beter Behaald’.

A laga esaki cla cu 4 opcion pa por scoge for di dje. Desde Juli 2024 e documento aki tabata na DRH pa consejo final pa asina por ehecuta un decision momento aña

escolar nobo 2025-2026 inicia. Opcion 1 ‘gelijktrekking’ varios schaal cu lo costa rond 4.6 miyon plus despues di ‘gelijktrekking’ un aumento di 4% pa tur schaal cu un costo di 6.7 miyon. Total esaki lo costa gobierno 11.3 miyon pa aña. A laga 500 miyon florin di surplus den caha pa por ehecuta esaki.

Kico ta e problema real cu ainda Gerlien no por a duna poco mas atencion y contenido real na esaki? Gerlien kisas ta demasiado den avion? Por a nota cu den 4 luna di trabao como minister, Gerlien a bi-

aha na 3 ocasion. A bay Hulanda, Republica Dominicana y actualmente ta na Paraguay, mientras scol ta den habri y e salario di docentenan no a wordo regla.

Parlamentario Croes ta lamenta e forma di traha di Gerlien Croes y a bisa cu poco mas voluntad, amor y pasion pa bo trabao bo por a logra esaki pa e aña escolar 2025-2026.

No obstante esaki, Gerlien Croes a corta 2.9 miyon den enseñansa 28 di maart 2025 momento e coalicion nobo a aproba e presupuesto 2025. Mas tristo ta cu actualmente den presupuesto complementario cu ta na Parlamento y lo wordo trata awor den luna di augustus, Gerlien ta bay corta otro 3 miyon den enseñansa, hustamente den salario di docentenan. Ta yega ora pa Gerlien duna cara di berdad na docentenan. Modela y saca selfie kisas ta bon pa bende bo mes, pero banda di esaki trabao di minister ta pa tuma decision y ehecuta un plan. Nos lo keda haci nos trabao pa controla gobierno y informa pueblo.

Nota di redaccion: E articulo aki ta opinion di e autor y no ta refleha opinion di Bon Dia Aruba.

Asesino na CDC a culpa vacuna di Covid-19 pa depresion

(AP) - Un homber na Georgia kende a culpa e vacuna di Covid-19 pa lag'e deprimi y suicida a keda identifica como e persona cu a tira cu arma di candela diabierna na e sede di Centro pa Prevencion y Control di Males (CDC) Mericano, matando un agente di polis.

E sospechoso di 30 aña di edad, kende a muri durante e incidente, tambe a purba di drenta e sede di CDC na Atlanta, pero guardianan a stop e prome cu el a core na un botica otro banda di caya y a tira, segun un oficial di ley a bisa AP diasabra.

E homber, identifica como Patrick Joseph White, tabata arma cu cinco arma di candela, incluyendo al menos un arma largo, segun e oficial, kende a papia bao condicion anonimo pasobra no tabata autorisa pa discuti e investigacion publicamente.

Un sindicato representando trahadornan na CDC a bisa cu e incidente no tabata "random" y ta "agrava lunanan di maltrato, negligencia y vilificacion cu personal di CDC a sufri." A existi pa oficialnan federal condena desinformacion di vacuna, bisando cu e tabata poniendo cientificonan den riesgo.

Investigacion andando

Polis ta bisa cu White a tira pafo di sede di CDC na Atlanta diabierna, lagando marca di bala na bentananan na e campus grandi. Al menos cuatro edificio di CDC a ser tira, segun director Susan Monarez a bisa riba X.

Polis di condado DeKalb, David Rose a resulta herida mortalmente mientras e ta-

bata responde na e incidente. Rose, 33, ex-marinier cu a sirbi na Afghanistan, a gradua di academia di polis na maart. A haya White riba e di dos piso di un edificio otro banda di caya for di e campus di CDC, y a muri na e escena, segun hefe di polis di Atlanta, Darin Schierbaum. El a agrega cu "nos no sa na e momento aki si esey tabata for di e agentenan of si [e sospechoso a tira su mes]."

Bureau di Investigacion di Georgia a bisa cu e escena di e crimen tabata "compleho" y cu e investigacion lo dura "un periodo extenso di tempo."

Sindicato ta existi condena di desinformacion di vacuna

Federacion Mericano di Empleado di Gobierno, Local 2883, a bisa cu CDC y liderazgo di e Departamento di Salud y Servicio Humano mester tuma un "posicion cla y inekivoco den condena desinformacion di vacuna." Un declaracion asina di oficialnan federal ta necesario pa preveni violencia contra cientifico, e sindicato a bisa den un comunicado di prensa. "E liderazgo ta critico den reforsa confiansa publico y sigura cu informacion correcto, basa riba ciencia, prevalece," e sindicato a bisa.

Fired But Fighting, un grupo di empleado cu a haya retiro for di CDC, a bisa cu secretario di Salud Publico, Robert F. Kennedy Jr. ta directamente responsable pa e vilanizacion di e forsa laboral di CDC mediante "su mentiranan continuo tocante ciencia y seguridad di vacuna, cu a alimenta un clima di hostilidad y desconfiansa."

Kennedy a tuma contacto cu



personal diasabra, bisando cu "niun hende mester enfrenta violencia mientras ta traha pa protege salud di otronan."

Miles di persona cu ta traha riba investigacion critico di malesa ta emplea na e campus. E sindicato a bisa cu algun di su personal a keda scondi den varios edificio te anochi laat, incluyendo mas di 90 mucha chikito cu a keda cera paden di e Clifton School di CDC.

E sindicato a bisa cu no mester rekeri e personal di CDC pa bolbe inmediatamente na trabao despues di experimenta un evento asina traumatico. Den un declaracion publica diasabra, a bisa cu prome mester drecha bentana y edificio y hacie "completamente sigur."

"No mester rekeri e personal pa traha banda di buraco di bala," e sindicato a bisa. "Forsa un regreso bao di e condicionnan aki ta riesga re-traumatiza e personal door di expone nan na recuerdo di e tiramento horibel cu nan a

sufri."

E sindicato tambe a haci un yamado pa "seguridad perimetro na tur campus" te cu e investigacion ta totalmente completo y comparti cu e personal.

Sospechoso tabatin obsesion cu vacuna di Covid-19

Tata di White, kende a tuma contacto cu polis y a identifica su yiu homber como e posible tirador, a bisa cu White tabata molestia pa e morto di su cacho y tambe a bira obsesiona tocante vacuna di Covid-19, segun e oficial di ley.

Un bisiña di White a bisa The Atlanta Journal-Constitution cu White "tabata parce un bon guy" pero a papia cune varios biaha tocante su desconfiansa di vacuna di Covid-19 den combersacionnan no relaciona cu e tema. "E tabata hopi inkieto, y e tabata kere hopi profundamente cu e vacunanan a hacie daño y tabata haciendo otro hende daño," Nancy Hoalst a bisa e corant di Atlanta. "E tabata kere esey enfaticamente."

Pero Hoalst a bisa cu e nunca a kere cu White lo ta violento: "Mi no tabatin idea cu e lo [baha su rabia] riba CDC."



TRABOU DI MANTENCION DEN TRANSFORMATORSHUIZEN NA PRIMAVERA

Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 14 di augustus 2025
8:30 AM te cu 3:30 PM

Den vecindario di:

• Monte Verde (un parti)	• Seroe Biento (un parti)
• Morgenster (un parti)	• Wayaka (un parti)
• Plantenrust (un parti)	• FAVI
• Primavera (un parti)	• Colegio Conrado Coronel

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

Estudio ta haya abuso amplio di empleadonan di limpieza indocumenta na Hulanda

(NLTimes) - E explotacion di empleadonan di limpieza den e cadena di gym luhoso Saints & Stars ta parti di un problema mas amplio y sistematico na Hulanda, segun investigacion nobo di Utrecht University.

E estudio ta adverti cu regulacionnan Hulandes actual pa trabao di limpieza ta haci e abuso di e tipo aki mas facil, cu migrantenan indocumenta entre e victimanan mas frecuente.

E kipo di investigacion a entrevista 22 empleado di limpieza indocumenta durante e ultimo 6 luna, incluyendo personanan trahando den casnan priva. Ilse van Liempt, e estudio su coordinador, a bisa cu e sector di limpieza hopi biaha ta e unico manera cu e individuonan aki por genera un ingreso.

“Esaki ta involucra personanan ken su solicitacion di asilo a caduca pero no por regresa na su pais di origen,” Van Liempt a conta NOS. “També e ta inclui esnan cu a perde

nan permiso di residencia despues di e fayecimento di un partner of despues di divorcio.”

Limpieza den casnan priva casi semper ta informal, sin contract, salario stipula of oranan di trabao regula. E trahadonan hopi biaha no ta al tanto di e acuerdonan exacto haci cu e cliente. PA motibo cu no tin permiso di trabao disponible pa e tipo di empleo aki na Hulanda, e labor ta den gran parti invisible y dificil di monitor.

“E hendenan aki hopi biaha ta traha pa un ingreso abao, pues nan ta haya tiki y mes- ter traha diano sumamente largo pa por sobrevivir,” Van Liempt a conta e corant. “Varios di nan no ta ser paga en general. Casi tur hende cu nos a papia cune a experencia no ser paga pa e trabao cu nan a completa.”

E rapport ta nota tambe cu e miedo di deportacion ta stop varios victima di contacta polis of inspectorado di labor. Un empleado di limpieza di Iran a bisa e investigador-

nan cu “Nan sa cu mi no tin un permiso di residencia. E ta causa hopi stress pa motibo cu constantemente bo ta pensa kico lo pasa si nan yama servicio di inmigracion of polis.”

E investigadornan ta adverti cu un desaroyo legal nobo lo haci e problema pio. Luna pasa, Tweede Kamer a aproba legislacion cu ta criminalisa estadia ilegal na Hulanda. Esaki, nan ta bisa, lo desencurashar nan mas ainda di haci uso di nan derecho.

E caso di Saints & Stars a hala atencion publico na e problema luna pasa ora cu Het Parool a reporta cu e empleadonan di limpieza di e gym tabata obliga di traha



te hasta 17 ora pa dia, entrega nan paspoort y comparti cama cu varios hende. E cadena aparentemente a ofrece nan placa pa bisa cu nan ta trata bon. Saints & Stars a nega e explotacion.

“Nos ta tolera labor di migrante pa motibo cu e ta necesario pa mantene nos economia ta core,” Van Liempt a conta NOS. “Pero e ta anticipa di keda den background y e empleadonan ta simplemente ahusta na e deseo di e

clientenan.”

E investigador a bisa cu preveni abuso ta rekeri cambio den con ta organisa trabao di limpieza. Nan ta recomenda introduci reglanan pa garantiza practicanan di empleo responsable den e sector. “Si nos cuminsa mira limpieza mas como trabao berdadero y menos como un tarea casual, e ora cu speranza e condicionnan laboral lo ta regula mas miho,” Van Liempt a comenta.

Lider di NSC ta yama plan di eleccion di VVD un “ataque directo” riba seguridad social y cuido di salud



(NLTimes) - Eddy van Hijum, e candidato lider di partido Nieuw Sociaal Contract (NSC), a critica fuertemente e programa di eleccion recientemente presenta di partido VVD yamando esaki “asocial.”

Den un entrevista cu De Stentor, Van Hijum a bisa cu VVD su plannan ta practicamente “un ataque directo” contra su partido su politicanan.

E programa di VVD ta propone recorte den seguridad social y cuido di salud den e

añanan binidero. Van Hijum a acusa VVD, lidera pa Dilan Yesilgoz, di accion contra e areanan social critico aki.

El a enfatisa cu NSC kier provee “seguridad pa esnan cu ta traha pero tambe pa esnan cu no por traha mas, incluyendo pensionadonan, esnan malo y personanan cu a haya descapacidad.”

Van Hijum su partido, NSC, te ainda no a publica su programa di eleccion. NSC y VVD tabata parti di e ex gabinete, cual su coalicion a colapsa den comienzo di juni despues cu PVV a retira su sosten.

E proximo eleccion general pa Tweede Kamer ta den schedule pa dia 29 di october 2025. E campana ta anticipa di enfoca fuertemente riba bienestar social y debatenan di politica pa cu cuido di salud.

DIALUNA 11 DI AUG

LOTTO DI DIA

ROLLDOWN

Ganado Garantisa!

AFL 150.000,-

Si no tin ganado cu 5 number bon, e ta bay na esun cu tin 4 number bon y asina e ta keda Roll Down te ora tin ganado!

Corda pidi pa bo Facilito y gana premio cash instantaneo!

www.lottoaruba.com

f X Instagram YouTube

lotto

Hulanda: Defensa no ta confirma ni nenga su papel den morto di un mucha Palestino cu palet di ayudo a placha

(NLTimes) - Ministerio Hulandes di Defensa a nenga confirma of nenga su rol den e morto di un mucha homber di 15 aña di Palestina, Muhannad Zakaria Eid, ken a keda placha pa un palet di sosten cu a cay cerca di Netzarim Corridor na Gaza central durante un entrega humanitario diasabra, segun

Al Jazeera. Ora a puntra si e morto aki a resulta for di un carga Hulandes, e ministerio su vocero a bisa cu e no “por ni confirma ni nenga esaki.”

Pa “motibonan operacional,” e ministerio a nenga revela e tempo y localidad exacto di su entreganan. E vocero a reitera cu Hulanda ta conduci-

endo un entrega aereo diario di suministro humanitario - un total di 14.5 ton cada un - riba Gaza Strip y tin plan di sigui pa 2 siman.

Tocante si un investigacion Hulandes tocante e incidente ta na caminda, e vocero no a duna un contesta directo, declarando solamente cu “nos ta evalua continuamente cu partnernan cu tambe ta haciendo esaki.” Grecia tambe a conduci un entrega diasabra.

Al Jazeera a reporta cu Eid a fayece ora cu un palet cayendo a dal riba dje y imagen verifica pa e red a muestra hende ta acerca na su curpa cerca di Netzarim Corridor. Eid su ruman homber a conta Reuters cu su ruman homber a ser aseisna pa un caha cu a cay for di un avion, bisnado cu “Nan (e paisnan involucra den e entrega) no por drenta e ayudo via e frontera pero nan ta tira nan riba nos y ta mata nos muchanan.”



E incidente ta agrega na critica creciente na e sosten cu ta entrega via avion. Ex Coordinador Special pa Reconstrucion di Gaza di UN Sigrid Kaag a condena e metodo aki publicamente diabierna, yamando esaki un “señal di fracaso” y “incompetencia politico.” El a describi e metodo aki como un costoso, poco efectivo y sin por yega esnan mas vulnerable, yamando e volumen di sosten un “mal chiste compara cu e necesidad total.” Varios grupo defensor tambe anteriormente

a trece dilanti preocupacion tocante e riesgonan di seguridad den e metodo aki.

Gaza Government Media Office a reporta cu desde e comienso di e guerra den october di 2023, por lo menos 23 Palestino a fayece y 124 a keda herida a causa di e metodo aki den entrega sosten. United Nations den varios ocasion a adverti cu e tipo di operacionnan aki ta peligroso, ineficiente y costoso, urgiendo Israel permiti acceso humanitario continuo via fronteranan riba tera.

Schoof y lidernan Europeo ta bisa cu Ucrania mester dicidi su propio futuro prome cu reunion di Putin y Trump



(NLTimes) - Prome Minister demisionario Dick Schoof a uni Francia, Alemania y Reino Uni ademas di otro lidernan Europeo den declara cu Ucrania so mester dicidi su futuro, emitiendo e declaracion dianan prome cu un reunion entre Presidente Mericano Donald Trump y Presidente Ruso Vladimir Putin.

“Ucranai ta dicidi su propio futuro,” Schoof a publica riba X diadomingo, sosteniendo e posicion Europeo cu e “caminda pa paz na Ucrania no por keda determina sin Ucrania.”

E reunion entre Trump y Putin a den schedule pa dia 15 di augustus, cu Trump señalando cu e ta habri na tambe invita e Presidente di Ucrania Volodymyr Zelenskyy - un proposicion cu Putin supuestamente a nenga.

Segun The Wall Street Journal, Putin ta exigiendo pa Ucrania entrega un porcion significativa di su teritorio este a cambio di e alto-el-fuego. Den nan declaracion conhunto, e lidernan Europeo a rechasa e idea, pub-

licando cu: “Nos ta mantene e principio cu e fronteranan internacional no por ser cambia cu forza.”

Schoof a expresa e mesun posicion aki, enfatisando cu cualkier acuerdo mester ser haci ambos husto y duradero. “E ta di gran importancia cu paz na Ucrania, ta husto y sostenible. Pa e motibo aki, e soberania di Ucrania y su integridad teritorial no mester ta den disputa,” el a publica.

Mientras cu e ta den oposicion fuerte contra compromisonan cu Rusia, Schoof, di mesun manera cu su coleganan Europeo, a expresa su aprecio pa e accionnan diplomatico recien di Trump. “Hulanda ta yama bon bini na e pasonan positivo cu Merca a tuma e siman aki den direccion na un alto-el-fuego.”

Minister di Exterior Hulandes Caspar Veldkamp di NSC a expresa un nota cu hopi mas cautela diahuebs ultimo den comentarionan haci na e agencia di noticia ANP, bisando cu e ta dificil pa crea expectativa pa e reunion entre Trump-Putin. “Tè cu awo nos a mira cu Putin ta keda atrasa,” Veldkamp a bisa.



BUREAU TRAIMERDIA TIN VACATURA

Lider di grupo (m/f)

Cuido y guia pa muchanan di traimerdia na nivel di enseñansa preparatorio, basico y special

Funcion:

- Ta responsabel pa guia y stimula grupo di ± 24 mucha cu e actividadnan cu Bureau Traimerdia ta ofrece.
- Preparacion optimal pa cumpli durante orario laboral na e centro, e actividadnan aki ta tuma luga parti mainta.
- Mantene diferente relato, e.o; lista di asistencia, desaroyo y comportacion di e muchanan y supervision di tarea.
- Mantene e areanan cu ta wordo uza limpi.
- Sigui curso y asisti na reunionan na e centro y na Bureau Traimerdia durante henter e aña.

Rekisito:

- Educacion MBO nivel 4 Welzijn.
- Nacionalidad Hulandes, inscribi na Censo di Aruba.
- Pasiona pa traha y por conecta bon cu mucha.
- Cu gana di siña y dispuesto na sigui desaroya na bienestar di calidad di cuidu di mucha.
- Domina abilidadnan di comunicacion.
- Sentimento di responsabilidad y trabou den grupo.
- Personalidad flexibel, creativo, energico y actitud positivo.
- Conocemento basico di e contenido di idioma y matematica di scol basico.
- Dominio di idioma Papiamentu y Hulandes skirbi y papia.

Nos ta ofrece:

- Un ambiente laboral agradabel.
- Nombramento cu contract di maximo 4 aña cu 38 ora laboral pa siman.

Interesa:

Manda bo carta di solicitud hunto cu bo CV dirigi na Sra. Marelene van der Linde- Directora di Bureau Traimerdia via mail info@traimerdia.com of personalmente na oficina na Bazinstraat 2-A prome cu 15 di augustus 2025.

Pa mas informacion por tuma contacto cu Bureau Traimerdia na telefon 582-8794 / 582-8796

JOIN US

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com

Colombia: Senador tira na juni ta cay back den condicion critico

(AP) — Senador Colombiano, Miguel Uribe Turbay, kende a ser tira na juni durante un rally di campaña na Bogota y ta hospitalisa, a experimanta un hemoragia den su sistema nervioso y ta den condicion critico un biaha mas, autoridadnan a bisa diasabra.

Clinica Fundacion Santa Fe cu ta dunando tratamento na e senador a bisa den un declaracion cu Uribe Turbay a rekeri “proceduraman



neuroquirurgico urgente” pa stabilis’e, agregando cu a pon’e bao sedacion profundo pa yuda su recuperacion.

A tira Uribe Turbay tres biha, dos na cabes, mientras e tabata duna un discurso di campaña den un parke dia 7 di juni. Desde e dia ey, el a keda den un unidad di cuido intensivo den condicion serio, cu episodionan di mehoracion leve.

Dos luna despues di su atake, su esposa, Maria Claudia Tarazona, a post e siguiente mensahe riba Instagram: “Mi amor dushi, mi ta haya bo falta asina hopi cu ta kibra

mi alma. Bin back na mi, cu Dios su kier.”

Seis hende a keda persigui pa e atake, mientras un menor di edad colaborando cu e investigacion a huy for di e centro di detencion.

Entre e detenidonan tin Cristian Camilo González Ardilla, alias “El Costeño,” kende autoridadnan ta kere tabata esun cu a planea y organisa e atake, ta consider’e clave pa yuda investigadornan pa track down e autornan intelectual.

Ecuador: 8 morto y 3 herido na club nocturno, mientras violencia ta aumenta

(AP) —Un tiramento na un club nocturno na Ecuador diadomingo a laga ocho morto y tres herido atras, den e incidente violento mas recien na e pais Sur Americano, segun autoridadnan.

E tiramento a tuma lugar den e area rural di Santa Lucia den provincia costeño di Guayas, considera un di e mas peligrosan di e pais. Siete di e victimanan, cu tabatin entre 20 y 40 aña di edad, a fayece na e club, mientras e di ocho a fayece na hospital, segun un declaracion di polis.

Autoridadnan ta bisa cu e sospechosonan arma a yega riba motorcycle y den dos vehiculo. No tabata inmediatamente conoci kico a ocasiona e tiramento, cu a yega dos dia despues cu hombernan arma a ataca un boto cerca di provincia El Oro den costa sur occidente di e pais. Cuatro persona a ser mata den e incidente ey, y varios otro ta keda desaparecido despues cu sospechosonan a lansa explosivo riba e boto.

Decenas di persona a ser mata den lunanan recien, mayoria di nan den cuatro di e provin-



cianan costeño di Ecuador: El Oro, Guayas, Manabi y Los Rios. Nan tur ta keda bao estado di emergencia.

Autoridadnan a culpa e ola di violencia riba disputa entre gruponan di crimen organisa vincula na cartelnan transnacional di droga cu a expande nan operacionnan, specialmente den region pacifico, unda ta manda droga pa Centro America, Merca y Europa.

Mas cu 4.600 persona a ser mata te awo e aña aki na e pais di alrededor di 18 milyon habitante. Aña pasa, a reporta casi 7mil asesinato, un reduccion di casi 8mil na 2023, un cifra record.

Guatemala: Teremoto magnitud 5.9 ta dal costa sur occidente

(AP) — Un teremoto magnitud 5.9 a dal cerca di costa sur occidente di Guatemala riba diasabra. No tabatin reportahe inmediato di daño.

E teremoto a sucede como 100 kilometer sur-sur occidente di Champerico, Guatemala, na un profundidad di 9 kilometer, segun US Geological Survey.

Hende riba rednan social a reporta cu a sinti tera ta sacudi den capital Guatemalteco y otro areanan. Tambe a sinti e teremoto na algun parti di sur


di Mexico. Te na e momento no a reporta daño ni victima relaciona cu e teremoto. Autoridadnan local ta continua monitoriando e situacion pa garantiza e seguridad di e poblacion. Bisiñanan di e regionnan aki a reporta cu a sinti e teremoto cu un intensidad modera, loke a provoca momento di alarma na algun vivienda y edificio. Algun persona a evacua di manera preventivo pa miedo di replica.

Autoridadnan di Conred, (Coordinacion Nacional pa Reduccion di Calamidad di

Guatemala) a activa protocol di monitoreo pa verifica posible daño na e infraestructura, y atende cualkier emergencia. Autoridadnan a recomenda e ciudadanonan pa keda informa a traves di canalnan oficial y evita di plama rumor of informacion no confirma. Autoridadnan ta continua evaluando e evento pa determina si ta existi riesgo di replica den proximo oranan. Teremoto ta comun na Guatemala. E pais Centro Americano ta ubica riba un fault zone mayor cu ta fungi como e frontera entre e plates Nort Americano y Caribense.



Haiti ta declara tres luna di estado di emergencia mientras gang ta destrui region central



(AP) — Gobierno Haitiano a anuncia diasabra cu ta implementando un estado di emergencia di tres luna na e region central di e pais, mientras violencia di gang ta aumenta.

E medida ta bay cubri departamentonan West, Artibonite y Center, “pa continua e batalla contra inseguridad y re-

sponde na e crisis agricultural y di cuminda,” segun un declaracion di gobierno.

E region - conoci como e macutu di aros di Haiti - ta bao atake den añanan recien, cu gangnan asesinando agricultor y forsanando nan pa bandonan na cultivo mientras nan ta rosa comunidannan cercano.

Oficina di Derechonan Humano di Nacionnan Uni a nota cu for di october 2024 te juni 2025, mas cu mil persona a ser asesina, mas cu 200 herida, y 620 secuestra den departamentonan Artibonite y Central, y areanan cercano.

Violencia di gang tambe a

desplasa mas di 239mil persona den region central di Haiti, segun ONU. Fin di april, decenas di persona a landa crusa e riu mas grandi di e pais den un intento desespera pa huy di e gangnan.

Diabierna, gobierno a nombra un director general interino nobo, pa supervisa e Polis Nacional di Haiti, cu ta trahando cu agentenan di polis Keniano liderando un mision cu sosten di ONU pa yuda combati violencia di gang.

André Jonas Vladimir Paraison ta reemplaza ex-director general di polis, Normil Rambeau, kende a ricibi critica pa su dificultad den contene violencia di gang cu ta controla

hasta 90 porciento di capital, Port-au-Prince. Rambeau ripitidamente a adverti tocante e escasez severo di personal den e cuerpo.

Paraison anteriormente a fungi como cabesante di seguridad di Palacio Nacional di Haiti, y e tabata den servicio como agente di polis na momento cu ex-presidente Jovenel Moise a ser asesina den su residencia priva na juli 2021.

E cambio ta yega mientras Laurent Saint-Cyr, un comerciante afluente, ta tuma over como presidente di conseho transnacional Haitiano, encarga di organisa eleccion pa februari 2026.

Puerto Rico: Turista Mericano cu a bay concierto di Bad Bunny asesina



(AP) — Un turista for di Merca continental cu tabata bishitando Puerto Rico pa e residencia di Bad Bunny a ser tira mata diadomingo na La Perla, un shantytown popular banda di lama, segun polis.

A identifica e victima como Kevin Mares, 25, kende tabata biba na New York, segun un declaracion di polis.

E tiramento a sucede den oranan prome cu salida di solo na un club nocturno yama “Refuge for Mistreated Men” na La Perla, un comunidad costeno cu tin dificultad pa deshaci di su reputacion scur.

Detective di homicidio, Sgt. Arnaldo Ruiz a bisa den un entrevista via telefon cu e tiramento a tuma lugar na momento cu varios persona cerca di Mares a cuminsa un discusion y un a saca un arma y a tira al menos tres persona, incluyendo Mares. Un rumor man homber y muhe den nan 40 aña di edad kende ta biba

na La Perla a resulta herida y ta hospitalisa.

Ruiz a bisa cu Mares tabata inocente, djis para na banda. E tabata cu tres otro amigo cu a bisa polis cu nan tabata na Puerto Rico pa un di e 30 concierto di Bad Bunny, cu a atrae diesmiles di bishitante na e teritorio Mericano.

A tira Mares banda robes di su abdomen y a hib’e e hospital publico mas grandi di Puerto Rico, unda el a fayece, segun autoridadnan.

Ruiz a bisa cu polis ainda no sa tocante kico e hendenan tabata discutiendo, y no tin un descripcion di esun cu a tira. “Nos tin masha tiki informacion,” el a bisa.

Ruiz a agrega cu e tres amigo di Mares tambe tabata di New York.

Alcalde di San Juan, Miguel Romero a bisa reporteronan diadomingo cu e lo comparti imagen di camara di seguridad den e area, agregando cu partner di Mares a opta pa no

bishita La Perla cune.

Polis a bisa cu e incidente a sucede pa 4:13am, maske un

codigo municipal aproba na 2023 ta bisa cu negoshinan autorisa na San Juan por sirbi of bende alcohol solamente

di 6am-1am di diadomingo te diahuebs, y hasta 2am diasabra y diasabra, y diadomingo si dialuna tambe ta liber.

BUREAU TRAIMERDIA HEEFT VACATURES VOOR DE FUNCTIE VAN GROEPSLEIDER (M/V)

Wij zijn op zoek naar groepsleider (m/v) voor onze naschoolse opvang van kinderen uit het kleuter-, basisonderwijs- en speciaal onderwijs van Traimerdia

Vereisten:

- Een afgeronde M.B.O. 4 - opleiding in de richting van het werken met kinderen.
- De Nederlandse nationaliteit bezitten en ingeschreven zijn in het bevolkingsregister van Aruba.
- Grote liefde hebben voor het werken met kinderen en goed met ze kunnen omgaan.
- Leergierig en bereid zijn om zich te ontwikkelen ten gunste van de kwaliteit van de kinderopvang.
- Bereid zijn bij te dragen aan een gezonde vorming van de kinderen
- Over goede communicatieve vaardigheden beschikken.
- Beschikken van een grote mate van verantwoordelijkheidsgevoel en teamgeest.
- Flexibele, energieke en creatieve persoonlijkheid, evenals een positieve instelling bezitten.
- Parate beheersing van minimaal de leerstof van rekenen en taal van de basisschool.
- Het beheersen van het Papiamentu en het Nederlands in woord en geschrift.

Taakomschrijving:

- Verantwoordelijk voor het begeleiden en stimuleren van ± 24 kinderen van de kleuter-, basisonderwijs- en speciaal onderwijs bij alle activiteiten die de naschoolse opvang Traimerdia biedt.
- Het treffen van alle voorbereidingen voor het optimaal kunnen functioneren gedurende de werktijden in het centrum. Deze werkzaamheden vallen buiten het begeleidingsproces op het centrum.
- Het bijhouden van diverse rapportages, waaronder de presentielijst, het kindvolgsysteem voor de ontwikkeling en het gedrag van het kind en de verzamelstaat huiswerkbegeleiding.
- Het schoonhouden van het gebruikte klaslokaal evenals de specifieke ruimtes van een door Traimerdia gebruikt.
- Het volgen van scholing en het bijwonen van vergaderingen zowel in het centrum als bij het Bureau Traimerdia gedurende het hele jaar.

Geboden worden:

- Een prettige en uitdagende werksfeer.
- Benoeming op contractbasis van maximaal 4 jaar met 38 uur per week bij Bureau Traimerdia

Solicitanten dienen een sollicitatiebrief en CV, gericht aan mw. Marelene van der Linde hoofd Bureau Traimerdia, uiterlijk 15 augustus 2025 in te dienen bij Bureau Traimerdia Bazinstraat 2-A, of per mail naar info@traimerdia.com

Voor verdere informatie verband houdend met de sollicitatie kunnen gegadigden terecht bij Bureau Traimerdia, telefoon 582-8794 / 582-8796

Abogado di Diddy: Diddy lo bira un sostenedor di Trump si e ricibi pordon

(TMZ) - Sean 'Diddy' Combs lo ta Team Trump si e presidente dicidi di entrega un pordon y pa un variedad di motibo, segun su abogado di hopi tempo caba Mark Geragos.

Harvery a puntra Gergagos riba e podcast "2 Angry Men" si Diddy lo priminti lealtad na Trump a cambio di pordon.

Como Diddy su abogado di semper, Malk ta papia cu Diddy frecuentemente y a bisa cu Diddy absolutamente lo bira un sostenedor di Trump, pero no pa e motibo cu nos ta pensa.

Geragos a splica, cu den un manera straño, tin un sorto di laso entre Diddy y Trump awo, ambos tin problema cu



fiscalnan federal cu a procesa nan criminalmente. Geragos a bisa cu den su 40 aña ta defende cliente, usualmente nan ta sinti tortura pa fiscalnan y ta forma un tipo di fraternidad.

El a bisa cu si Diddy ricibi pordon - e ta wardando un sentencia riba algun cargo di prostitucion despues di a anula e cargo di crimen

organisa y trafico sexual - e no lo bin como un shock si Diddy cuminsa sostene Trump, a causa di e laso aki.

Harvey a puntra Gergagos si a yega di tin combersacion tocante con Diddy lo papia di POTUS (President Of The United States) si e ricibi un pordon, Mark no a duna un contesta concreto.

Lucasfilm y Disney ta yega na acuerdo cu actor Gina Carano despues di su dispidido for di "The Mandalorian"



(AP) - Actor Gina Carano a yega un acuerdo den su demanda federal contra Lucasfilm y su propietario The Walt Disney Co. cu a surgi a causa di su dispidido for di "The Mandalorian" den 2021 pa expresion di su punto di bista derechista riba rednan social.

E termino specifico di e acuerdo no a keda disponible.

"Sra. Carano semper tabata respeta pa su directornan, co-actornan y empleadonan y e tabata traha duro pa perfecciona su arte mientras e tabata trata su coleganan cu respet y bondad," Lucasfilm a bisa den un declaracion. "Cu e demanda aki conclui, nos ta emociona pa identifica oportunidadnan pa traha hunto cu Sra. Carano den futuro cercano."

Ambos banda a stipula den documento di corte federal diahuebs cu e caso mester keda anula cu prehuicio, cual ta nifica cu no por bolbe entrega esaki. Un hues te ainda mester formalmente anula esaki. E caso tabata den plan pa bay huicio na Los Angeles den februari di proximo aña.

E demanda, entrega na corte federal na California aña pasa, ta acusa cu a despedi Carano sin base for di e serie di "Star Wars" riba Disney+ despues di 2 temporada a causa di un publicacion cu tabata compara e trato na conservativonan Mericano na e trato di Huidunan den Alemania Nazi. Su publicacionnan a ricibi crit-

ica amplio online y a causa e movimiento "#FireGina-Carano."

"Mi kier duna danki na boso tur pa boso sosten durante mi bida y mi carera, boso ta e curason cu a mantene mi storia bibe. Mi ta spera di por haci boso orguyoso," Carano a publica den un declaracion diahuebs. "Mi ta hopi emocionada pa cambia di pagina y bay e siguiente capitulo. Mi deseo ta keda den arte, cual ta unda mi ta spera boso lo uni na mi."

Carano a duna danki na Elon Musk pa yuda financia e demanda "y sin pidi nada a cambio." E Demanda tabata acusa cu e actor di 43 aña a keda despedi pa motibo cu el a "tribi di expresa su propio opinion" contra un "grupo di bully online cu tabata exige su obediencia pa cu nan ideologia extremadamente progresivo."

Carano ta un ex profesional den Mixed Martial Arts cu tabata interpreta e personahe Cara Dune riba e programa, cual a lansa den 2019 y a core pa 3 temporada. Un pelicula cu Pedro PAscal y Sigourney Weaver, "The Mandalorian and Grogu," ta den plan pa lansa zomer proximo.

Carano anteriormente a ser critica pa haci bofon di bisticamento di tapaboca durante e pandemia y pa haci acusacionnan falso di fraude di votador durante e eleccion presidencial di 2020.

JOIA
by IBEROSTAR

LUNCH AT

MARE A

MON TO FRI | 11AM TO 3PM

\$35 per person
Only for locals with ID

RESERVATION NUMBER: ☎ 699-9317

@ marea.aruba

Special menu includes soup or house salad, main course & coffee or tea
*Drinks are not included
*Not applicable with 20% local discount

Ex di Halle Berry ta revela e motibo pakico e no kier a forma un famia cune

Huffpost)—Ex-hungador di MLB David Justice a bisa cu e no tabata sigur si e kier a forma un famia cu su ex-casa Halle Berry pasobra e no ta cushina ni limpia.

“Mi ta mira mi mama y mi ta un mucha di e Midwest, pues den mi mente mi tabata pensa cu un casa mester cushina, limpia, y despues mi ta pensa, OK, si nos tin yiu, e ta e muhe cu mi kier tin yiu cune, forma un famia cune,” Justice a bisa den e podcast All The Smoke diahuebs. “Y e tempo ey como un homber hoben, si bo no ta cushina, no ta limpia, no ta parce hopi maternal, e ora nos ta cuminsa haya problema.”

Justice, 59, y Berry, 58, tabata casa di 1993 te 1996. Justice a bisa cu e pareha no a haya hopi atencion nega-

tivo te cu el “a dicidi lag’e” na 1996. El a bisa cu Berry a pidie pa casa despues di conoc’e apenas cinco luna.

“Mi a bisa OK,” Justice a conta, “pasobra mi no por a bisa no. Mi a bisa OK, pero mi no sa si mi curason tabata realmente den dje, pero mi no kier a hacie sinti su mes malo y bisa no. Mi tabata simplemente den e momento. El a tuma mi di sorpresa.” El a agrega cu probablemente nan por a logra mantene e matrimonio si nan tabata sa di terapia. El a bisa cu su conocimiento di tene relacion romantico no tabata hopi amplio.

Representantenan di Berry no a responde inmediatamente na un peticion pa comentario.

Berry a bisa hopi biaha cu un di su

ex-parehanan a maltrat’e físicamente y a dal e na cabes asina fuerte cu el a perde oido. Den e episodio di e podcast, Justice a ripiti cu no tabata e y a expresa su decepcion cu Berry nunca a nombra e abusador, lagando hende specula cu tabata e.

“El a laga e mundo pensa cu tabata mi,” Justice a bisa. “Y esey mi nunca a aprecia di dje. Mi ta pensa cu e tabata hopi malo di su parti pa haci esey. Mi ta pensa cu e mester a mancha esey mihor.”

No ta e prome biaha cu Justice ta purba limpia su nomber. Na 2015, Justice a publica un serie di tweet den cual el a acusa Berry di pinta su ex-parehanan di manera negativo. E tambe a skirbi cu e no tabata e ex cu a maltrat’e.



Kourtney Kardashian ta reacciona riba criticanan pa tin su yiu, 21 luna, riba un boto sin vest di salbabida: “Sinceramente mi no a pensa”



(People)—Kourtney Kardashian Barker ta siñando di su error. E fundadora di Lemme, 46, a comparti un post riba Instagram diabierna 8 di augustus cu tabata inclui un potret di su yiu di 21 luna, Rocky Thirteen, riba un boto sin vest di salbabida.

Un dia despues, y despues cu el a enfrenta criticanan pa e riesgo di seguridad, Kardashian Barker a comparti un post riba su Instagram Stories pa papia tocante e polemica.

“Update: a cumpra un vest di salbabida cu ta fit e!” e mama di cuater a skirbi riba un screenshot di un vest di salbabida pa baby.

“Sinceramente mi no a pensa tocante e peligran,” Kar-

dashian Barker a continua. “Masha danki pa pone mi bira consciente y sperando cu esaki por yuda pone otro mamanan bira consciente di e peligran di cierto tipo di boto sin un vest di salbabida.”

Otro imagennan inclui den su post di 8 di augustus ta indica cu Kardashian Barker tabata na Idaho, caminda ley ta rekeri cu tur mucha di 14 aña bay abou mester usa un vest di salbabida ora ta riba awa.

Fanaticonan a expresa preocupacion riba red social pa e hecho cu Kardashian Barker no a bisti su yiu mas chikito cu equipo di proteccion durante e pasadia den boto.

“Bon potret cu e excepcion cu e mucha no tin vest di salbabida,” un persona a skirbi

den e seccion di comentario di su post.

“Bo por tuma e tipo di decision ey pa bo mes. Pero no tuma un decision asina ey pa bo yiu. POR FAVOR,” e persona a agrega.

Un usuario riba Reddit a bisa: “Rocky mester ta bisti cu vest di salbabida. Esaki ta un negligencia hopi peligroso,” mientras un otro a skirbi:

“Muchanan riba boto semper mester usa vest di salbabida apropia, y ta parce cu e vest ta djis riba e stoel banda di nan.”

“Ban pa mi Kourt. Boso dos mester ta usando vest di salbabida ... tur hende riba e boto mester ta,” otro persona a comenta riba Instagram.

Kardashian Barker despues a comparti un potret di e mes cu su yiu Rocky riba su Ins-

tagram Stories dia 8 di augustus. “Bendiciona y agradecido pa e bunita bida y experiencia hunto cu mi baby,” el a skirbi parcialmente.

Kardashian Barker a duna luz na Rocky na november 2023 cu su casa Travis Barker. E tambe ta mama di tres yiu cu su ex Scott Disick: su yiu Mason, 15, Reign, 10, y su yiu muhe Penelope, 13.

BACK TO SCHOOL!

ASUS
14" FHD Laptop, Intel Celeron N4500, 4GB Memory on Board, 64GB eMMC, Intel Iris Xe Graphics, Media Card Reader, Quiet Blue, E410KA

Afl. 399

CUMpra AWO
Avenida Milio Croes 41
(+297) 280 0222

electro

Amsterdam ta habri un skatepark riba dak di tunnel di caretera

(NLTimes)—E municipalidat di Amsterdam Zuidoost a habri un skatlane nobo di 125 meter di largo den Brasapark, un area recreativo y berde construi riba e dak di concreto di e tunnel di autopista A9. E pista, cu a habri oficialmente e siman aki, ta ofrece un reto nobo pa skaters di tur nivel y segun e municipalidat ta e unico facilidad di su tipo den ciudad.

Ubica banda di stacion di metro Gaasperplas, e skatlane ta core den Brasapark cu un serie di curva estrecho, seronan chikito y varios obstaculo pa skate. E pista ta



consisti di dos ruta cu ta crusa den forma di un brasa, cubriendo un area total di 1.600 metro cuadra.

Segun e municipalidat, e diseño a ser crea den colaboracion cu skaters local y “ta

integra sin problema” den e paisahe. “Pasobra e ta asina abao, e lo mescla cu e contorno berde,” e municipalidat a bisa den un declaracion.

E pista a ser construi pa Nine Yards, un empresa di Breda



cu ta dedica na construcion di skatepark. E nobo lane ta apto pa diferente disciplina di skate, incluyendo skateboard, inline skating, BMX y stunt scooter.

Tin zonanan distinto cu obstaculo na diferente nivel

di dificultad, diseña pa cuater estilo di skate: snakerun, pumptrack, street y bowl. E adiccion ta completa e stangenpark y freerunpark cu Brasapark ya tin.

Potretnan di Gemeente Amsterdam.

Ohtani ta hinca su di 40 homerun di e temporada den wega di Dodgers contra Blue Jays

(AP) — Shohei Ohtani a hinca su di 40 homerun di e temporada diasabra anochi, den quinto inning di e victoria 9-1 di Los Angeles Dodgers contra Toronto Blue Jays.

E strea Hapones di dos via a yega na 40 homerun cuater biah den su carera, despues di gana premio di MVP tur tres biah anterior cu el a logra esey. Aña pasa, Ohtani a hinca un record personal di 54 homerun den su prome temporada cu Dodgers, cu tambe el a termina cu e titulo di MVP di Liga Nacional.

Diasabra, Ohtani a hinca un homerun solo di 417 pia pa centro contra pitcher principal Chris Bassitt, pa duna Dodgers un bentaha di tres homerun.

“Eset tabata un di e swings cu e tabata para tras di e bala,” manager di Dodgers Dave Roberts a bisa. “El a keda den su postura. Mi sa cu e y e entrenador di bati tabata traha riba cierto cos mecanico. Esey tabata un di e mihor swings cu bo por mira.”

Cu 45 wega di temporada regular restante, a pun-

tra Roberts si e ta pensa cu Ohtani por yega na 55.

“No lo sorprende mi,” Roberts a bisa. “Hungadonan manera Shohei semper ta busca algo pa motiva nan. E ta gusta numbernan henter. Mi sa cu 50 ta riba su mira. Nos lo mira kico lo pasa.”

Ohtani no tabata disponible pa media. Na 2021, Ohtani a hinca 46 homerun cu Los Angeles Angels y a gana su prome MVP. El a bati 44 homerun tambe den 2023.



Salah ta cuestiona “despedida” di UEFA na ex hungador Palestino Suleiman Obeid

(AP)—Mohamed Salah ta cuestiona e “despedida” di UEFA na ex-hungador Palestino Suleiman Obeid, ken supuestamente a ser tira y mata pa forsa Israeli mientras cu e tabata ta warda pa ayudo den Gaza.

“Bo por bisa nos con el a muri, unda y dicon?” Salah a puntra riba red social X como reaccion na un post di UEFA cu ta bisa: “Despedida na Suleiman al-Obeid, e ‘Pele Palestino’. Un talento cu a duna speransa na cantidad di mucha, hasta den e tempo mas scur.”

Segun e Federacion di Futbol di Palestina (PFA), Obeid, 41, a ser tira mortalmente diaran-

son pa forsa Israeli mientras cu e tabata wardando cu tur e hende na un luga di distribucion di ayudo den sur di Gaza. El a laga un casa y cinco yiu. Associated Press no por a verifica e relato independientemente.

Obeid a hunga 24 partido pa Palestina, hincando dos gol, y mas di 100 gol durante su carera cu clubnan local, segun e PFA, cu a describie como “un di e streanan mas briyante di futbol Palestino.”

E PFA a publica un carta atribui na Aleksander Čeferin den cual e presidente di UEFA a bisa cu e ta “profundamente tristo pa e morto tragico” di Obeid, ken tabata “mas cu solamente un fut-

bolista. E tabata prueba cu alegria, talento y orguyo por florencia a pesar di sufrimento. Su talento y dedicacion na e deporte a duna e muchanan di Gaza y mas aya un motibo pa kere den un mañan mas briyante. Su fayecimento ta un gran perdida pa e mundo di futbol y pa tur esnan cu ta comprende e poder cu deporte tin pa inspira.”

Vocero militar Israeli, teniente coronel Nadav Shoshani, a reacciona riba X na Salah: “Hey Mohamed, despues di un revision inicial, nos no a haya ningun record di incidente cu ta inclui Suleiman al-Obeid. Pa por mira mas detayadamente, nos mester mas informacion.”

Segun e PFA, e morto di



Obeid ta agrega na e total na 662 atleta y oficialnan di deporte Palestino cu a muri desde cu e guerra di 22 luna a cuminsa.

E oficina di derecho humano di UN a bisa luna pasa cu rond 1.400 Palestinonan a muri mientras cu nan tabata buscando ayudo den Gaza desde mei, casi tur pa fuego Israeli.

E campaña di aire y tereno di Israel a mata dies miyones di hende den Gaza, a desplasa gran parti di e poblacion, a destrui gran parti di e zona y a pone e teritorio riba rumbo di un hamber mortal. Militantenan dirigi pa Hamas a provoca e guerra dia 7 di october 2023 ora cu nan a drenta Israel, mata rond 1.200 persona y a secuestra 251 persona.

A stroba tributo pa ex hungado di Liverpool Diogo Jota na Wembley

(AP) - Un tributo pa e ex hungado di Liverpool Diogo Jota y su ruman homber Andre Silva a ser stroba diadomingo ora algun fanatico na e wega di Community Shield no a mantene un momento di silencio.

Prome cu e wega entre Liverpool y Crystal Palace na Wembley Stadium, ambos ekipo y nan empleado a para den silencio pa conmemora e rumannan - ken a fayece den accidente na Spaña den juli - sinembargo bosnan fuerte por a ser scucha den e audien- cia, cual a causa disgusto.

Referee Chris Kavanagh despues a supla su fluit pa se- ñala e fin di e tributo.



Palace a gana e wega - logran- do e victoria contra Liverpool di 3-2 riba penalty despues cu e wega a caba 2-2.

Esaki tabata Liverpool su prome wega grandi desde e

fayecimento di Jota, ken ta- batin 28 aña.

E rumannan homber a fayece ora cu e Lamborghini den cual nan tabata a perde con- trol y a cende na candela cer-



ca di Zamora. E campeon di Premier League a haci algun tributo na Jota despues di su fayecimento, incluyendo re- tira su uniform number 20. Liverpool su sostenedornan a cuminsa aplaudi Jota ora cu

diadomingo su wega a yega minuut 20 y e aplauso aki rapidamente a bira celebra- cion ora cu Jeremie Frim- pong a anota pa duna e club di Merseyside un bentaha di 2-1.

Ciclistanan lo bisti GSP como parti di accion pa mehora nan seguridad

(AP) - Ciclistanan lo test dispositivo di tracking GPS na Tour of Romandie e siman aki, prome cu e medida di seguridad bira obligatorio na e campeonato mundial mas adel- ante e aña aki.

E cuerpo cu ta governa ciclis- mo mundial ta pidiendo un ciclista di cada ekipo bisti e dispositivo na e evento di 3 dia di hende muhe na Swit- zerland, cuminsando diabi- erna.

E mesun tecnologia despues lo ser usa na Road World Championship na Kigali, Rwanda for di september 21 pa september 28, unda tur ciclista - for di junior te na nivel elite - lo mester tin e

dispositivo.

“E obhetivo di e test aki ta pa refina e UCI su software di tracking y establece proto- col pa provee data den tem- po real, ekiponan medico y Comisarionan di UCI,” UCI a bisa den un declaracion. “E sistema aki lo fortalece e monitoreo di e seguridad di e ciclistanan durante careda y lo permiti respuesta rapido den caso di incidentenan. Esaki ta representa un paso importante den garantis e seguridad di e ciclistanan.”

Durante campeonato mun- dial aña pasa, ciclista di 18 aña Muriel Furrer a fayece despues di sostene un lesion na su cabes durante un acci- dente.

E tabata competiendo den e evento junior di hende muhe riba cayanan muha di yobida ora cu el a accidenta den un area di mondi na Zurich. Aparentemente el a keda ey tira su so pa casi un ora y mey prome cu a descubri su curpa banda di caminda y a hib’e hospital via helicopter.

Dos aña atras, Gino Mader a sufri un accidente fatal na Tour de Suisse. E ciclista di 26 aña a baha caminda y a accidenta durante un descenso y a fayece a causa di su lesion- nan e dia despues.

Luna pasa, e ciclista Italiano di 19 aña Samuele PPrivitera a fayece despues di un acci- dente den e prome etapa di Tour of Valle D’Aosta den



parti northwest di Italia.

“E ta hopi tristo pa perde otro talento hoben,” e campeon di 4 biaha di Tour de France Tadej Pogacar a bisa e dia despues di e accidente. “E

ta un di e deportenan mas peligroso na den mundo mi ta kere, y e riesgo cu nos ta tuma ta demasiado leu tin bi- aha.”

Ichiro Suzuki ta uni leyendanan di Mariners cu retiro di No. 51

(AP) - Seattle Mariners a retira e number iconico 51 diasabra, honrando Ichiro Suzuki den un ceremonia prome cu e wega unda nan tabata di enfrenta contra Tampa Bay Rays.

“Conta, Seattle!” Suzuki a grita. “Mi ta hopi contento di ta aki awe, pa ricibi e honor grandi aki.”

E introducido recientemente na Hall of Fame ta bira e terc- er hungado di Mariners ken su number a keda retira pa e franquisia, uniendo na ley- endanan manera Ken Griffey (No. 24) y Edgar Martinez (No. 11).

“Pabien cu bo introduccion na Hall of Fame y cu e retiro



di bo number,” Griffey a bisa den un tributo riba video. “Tabata ora caba. Mi kier- men, kico a tarda asina hopi? Mi tin 5 aña aya caba.”

Suzuki a logra historia como e prome hungado naci na Hapon cu a keda introduci na Hall of Fame, ganando un casi unanime 99.7% di e voto

di Baseball Writers Associa- tion of America.

Despues di a pasa 8 tempo- rada den Nippon Profession- al Baseball, Suzuki a logra su debut den liga grandi cu 27 aña. Den su temporada como principiante den 2001, el a logra ambos American League Rookie of the Year y

Most Valuable Player, biran- do e di dos hungado cu a yega di logra esaki den e mesun temporada, uniendo na Fred Lynn.

Durante un carera MLB di 19 ana, Suzuki tabata un all- star 10 biaha, un ganador di Gold Glove 10 biaha, ga- nador 2 biaha di AL Batting Champion y ganador 3 biaha di Silver Slugger. El a crea e record di un solo temporada cu 262 na 2004, cual te ainda ta para. Den NPB y MLB, el a logra 4,367 hit, incluyendo 3,089 den MLB.

Prome cu Suzuki su yegada, e hungado Randy Johnson tambe tabatin e number 51 pa 9 temporada na Seattle.

Johnson a logra e franquisia su prome no-hitter den 1990 y a gana Mariners su prome Cy Young Award den 1995. Despues di sali for di Seattle den 1998, The Big Unit a agrega 4 Cy Young mas y un titulo di World Series cu Arizona Diamondbacks. “Pa 9 aña, esey tabata e unico num- ber cu mi tabatin na Hapon,” Suzuki a bisa. “Number 51 tabata mi identidad. Pero mi tabata sa cu e number aki tabatin un historia rico aki caba.”

Sinembargo Seattle no lo lubida Johnson su legado. E club a anuncia cu den 2026 tambe lo retira Johnson su Number 51, un honor unico y poco comun comparti pa dos icono.

Prison na Colorado evacua mientras incendio ta bira un di e mas grandi den historia di e estado

(AP) — Un prison na Colorado a ser evacua mientras un di e incendionan mas grandi den historia di e estado a sigui crece, y oficialnan a alerta residentenan di areanan remoto pa keda prepara pa evacua diadomingo, ya cu biento fuerte y humedad abou ta alimentando e vlamnan.

Ordennan di evacuacion ya tabata vigente pa comunidannan den e seronan mientras e Incendio Lee a kima mas di 433 kilometer cuadra den e distritonan Garfield y Rio Blanco, cu solamente 6% bao control. No tin reportahe di heridonan ni daño structural. Tur e 179 persona a ser aleha cu seguridad for di Rifle Correctional Center diasabra “como medida di precaucion,” segun e Departamento di Coreccion di Colorado



den un comunicado. Nan a ser relocalisa temporalmente na Buena Vista Correctional Complex, aproximadamente 400 kilometer leu.

E Incendio Lee, cual ta kimando arbusto y mata den un area 400 kilometer west di Denver, awor ta e di seis incendio mas grandi den historia di e estado, segun Colorado Division of Fire Preven-

tion and Control.

Mas di mil bomberonan ta lucha contra e vlamnan, trahando pa mantene e candela west di e autopista Colorado 13 y nort di e Distrito Caminda 5, segun oficialnan.

Autoridadnan di salud a lansa alertanan di e calidad di aire debi na e humu for di e Incendio Lee y e Incendio Elk cu ta 60 kilometer cuadra y ta



kimando mas na oost.

Na California Sur, teamnan a logra 62% di control riba e Incendio Canyon cu ta 20 kilometer cuadra, cu a forsa evacuacion y a destrui 7 estructura despues di cuminsa diahuebs cerca di e frontera entre e distritonan Los Angeles y Ventura. Tres bomberonan a sali herida, incluyendo un comandante cu a keda gravemente herida ora

su truck a bolter.

E Incendio Gifford, e mas grandi di California te awor e aña ki, a kima por lo menos 466 kilometer cuadra den e distrito Santa Barbara y San Luis Obispo desde cu el a cuminsa dia 1 di Augustus. E tabata 21% bao control riba diadomingo.

Teremoto di magnitud 6.1 na Turkia a causa caida di varios edificio

(AP) – Un teremoto cu un magnitud di 6.1 a sacudi e provincia Balikesir, den e region nort west di Turkia riba diadomingo, causando aproximadamente un decenas di edificio cay, segun un oficial. Por lo menos un persona a keda atrapa den e restonan di un edificio cu a collapse.

E teremoto, cu su epicentro na e pueblo Sindirgi, a ser sinti te na un distancia di 200 kilometer na nort, te na Istanbul un ciudad cu mas di 16 milyon hende. E Minister di Asunto Inte-

rior Ali Yerlikaya a bisa na e canal nacional NTV cu cinco persona, entre nan un muhe mayor, a ser rescata for di un edificio hundi na Sindirgi, mientras un team di rescate tabata purba di yega na un otro persona cu a keda atrapa aden.

Na e pueblo Golcuk, cerca di Sindirgi, varios cas tambe a collapse, segun e alcalde Serkan Sak. Dos moskee minaret tambe a cay den e pueblo.

E Agencia di Maneho di Calamidad y Emergencia di Turkia a bisa cu e teremoto a

sigui pa varios aftershock, incluyendo un cu un magnitud di 4.6, y a urgi ciudadanonan di no drenta den edificionan kibra.

Presidente Recep Tayyip Erdogan a publica un declaracion deseando pa tur ciudadanonan afecta recupera pronto. “Cu Dios proteha nos pais for di cualkier tipo di desastre,” el a skirbi riba X.

Turkia ta situa riba fayonan tectonico importante y ta experencia teremotonan frecuente.



Na 2023, un teremoto cu magnitud 7.8 a mata mas di 53.000 persona na Turkia y a destrui of dañá cien miles edificio den 11 provincia sur

y sur-este. Na e parti nort di Siria, 6.000 otro hende a muri.

Tormenta ta mata 1 persona, herida un otro y expulsa centenares di persona na Nebraska

(AP) — Tormenta fuerte prome cu solo a subi diasabra mainta na Nebraska oriental a mata un persona y herida gravemente un otro den un parke estatal y a expulsa centenares di hende despues cu dos unidad di prison a haya daño segun oficialnan a declara, aunke ainda otro estadonan di e Midwest tabata prepara pa e temporada malo.

Departamento di Bombero Boluntario di Waterloo a ser desplega pa parke estatal Two Rivers prome cu 7or di main-

ta diasabra, caminda e prome respondedornan a haya un auto placha bao di un mata di cottonwood grandi. E mata a cay mientras e tormenta a causa rafaganan di mas cu 129 km/h den e area, segun e Servicio Meteorologico Nacional (NWS). Un muhe den e auto a ser declara morto na e escena, mientras un homber a keda atrapa aden, segun e departamento di bomberonan den un comunicado di presa.

E bomberonan a tuma aproximadamente 90 minuut pa libera e homber debi na e tamaño y peso di e mata, se-

gun e departamento. Unabes libera, e homber a ser hiba na un hospital na Omaha cu heridanan grave, segun hefe di e departamento di bomberonan Travis Harlow.

E parke estatal, un luga popular pa campa, ta situa aproximadamente 8 kilometer di e frontera west di Omaha.

Biento fuerte a causa daño amplio na Nebraska oriental, tumbando mata, dañá dak y tumba liña electrico. Cerca di 32 kilometer noord di Omaha na Blair, e dak di un bodega a ser hisa door di bi-

ento fuerte. Miles di persona a keda sin electricidad inmediatamente despues.

Na e capital estatal Lincoln, e tempo a trece daño na dos unidad di alohamento na e prison Estatal di Nebraska, expulsando 387 persona, segun e Departamento di Servicio Coreccional di e estado den un comunicado.

“No tin ningun herida, y tur empleado y ta na haltura di tur persona encarcela,” e agencia a bisa.

Tormenta fuerte tambe a

move via parti di Wisconsin diasabra, treciendo rafaganan di 97 km/h na e Peninsula door di e estado, segun e NWS.

E servicio meteorologico a bisa cu mas tormentanan fuerte por a pasa na e parti central di e pais desde diasabra anochi te cu Diadomingo, extendiendo desde Colorado west te na Kansas, Nebraska, Iowa, nort di Missouri y te na Illinois y Wisconsin.

Chauffeur a yega subi rotonde Cumana y a bay dal riba un auto

Diadomingo mainta a drenta informe di un accidente cu hende herida na e rotonde di Cumana, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un chauffeur den un Kia Rio bayendo trabao tabata bini di Morgenster y a subi e ro-

tonde pero no a mira e Lexus cu tabata pasando riba e rotonde y e Kia Rio a dal e Lexus e impacto aki a bira e Rio bay dal un palo di luz basha abao. Debi na e impacto e chauffeur di e Rio a resulta herida. E chauffeur di e Lexus como e auto a keda den caminda a hala esaki un banda. Na yegada di e ambulance nan a atende e victima y a transport'e pa hospital.



Chauffeur den un Toyota Yaris a bira malo tras di stuur y a bay subi riba 3 Arubaantjes

Diadomingo mainta a drenta informe di un accidente cu hende herida net dilanti di aeropuerto, mesora a dirigi tanto polis como ambulance na e sitio.

Na yegada di e ambulance a bin compronde cu aki ta trata di un accidente unda cu e chauffeur di un Toyota Yaris a bira malo tras di stuur net na e birada y a bay subi 3 di e Arubaantjes. Ambulance a atende e chauffeur y a transport'e pa hospital.



Durante patruya polis a topa cu un auto para banda di caminda accidenta y cu chauffeur aden

Diadomingo mainta durante patruya polis ta nota un auto kibra banda di caminda y e chauffeur banda di dje na Tanki Flip, mesora nan a para y a baha check kico a pas'e.

A bin resulta cu e chauffeur a drenta un caminda di mondi y su auto tin sla dilanti na banda y tambe abao. E chauffeur no por a corda unda el a drenta accidenta. Polis a lag'e yama pa nan bin busk'e y a hala e auto na banda.



Diadomingo madruga polis riba patruya a bin nota un auto coriendo zig-zag riba caminda banda di e hotelnan, mesora a para e chauffeur pa atende cune.

A bin resulta cu aki ta trata di un turista cu casi no por a para riba su pianan debi na su estado. Net ora cu polisnan a bay pa atend'e a logra localisa su famia y mesora nan a baha for di nan camber di hotel y a baha bin busk'e.

Polis a topa cu un chauffeur bao influencia coriendo zig-zag riba caminda



Mini-van pasando auto a bay dal un otro auto bah'e for di caminda



Diasabra atardi a drenta informe di un accidente cu hendenan herida na Morgenster, mesora a dirigi tanto polis como ambulance na e sitio.

Na yegada di e patruya a bin compronde cu e mini-van a bay pasa algun auto cu tabata

core poco poco a bay pasa esakinan pero a bay dal un Toyota Yaris mas dilanti y a bah'e for di caminda mand'e bay dal un Kia Picanto stationary. Debi na e impacto algun mucha a resulta herida y un adulto. Na yegada di e ambulance a atende e victimanan na e sitio mes.

Ambulance a bay Ponton pa un baby di 2 luna no ta reaccionando y ta birando bleek den brasa

Diabierna anochi a drenta informe di un baby di 2 luna no ta reaccionando y ta birando bleek den brasa na Ponton, mesora a dirigi un ambulance cu maximo urgencia na e sitio.

Na yegada di e ambulance mesora nan a atende e mucha y a transport'e pa hospital.



Chauffeur di Toyota Passo a perde control bay dal Suzuki Swift

Diasabra atardi a drenta informe di un accidente cu hende herida pabao di rotonde Tanki Flip net panort di post di bombero, mesora a dirigi tanto polis como ambulance na e sitio.

Na yegada di e ambulance nan a atende ambos chauffeur na e sitio mes. Na yegada di e patruya a bin compronde cu aki ta trata di un accidente unda e chauffeur di e Toyota Passo bayendo pabao a baha caminda y ora di e subi back a perde contra y a bay dal Suzuki Swift di direccion contrario. Debi na e fuerte impacto ambos chauffeur a resulta herida. Na yegada di e ambulance a atende ambos victima na e sitio mes.



Chauffeur a baha caminda dal palo di luz y cura di cas na Sabana Liber!



Diasabra merdia a drenta informe di un accidente cu hende herida na Sabana Liber, mesora a dirigi tanto polis como ambulance na e sitio.


Na yegada di e patruya a bin compronde cu aki ta trata

di un accidente unda cu e chauffeur di un s.u.v. Haval a baha caminda dal un palo di luz y a bay dal un cura di cas. Debi na e impacto e chauffeur a resulta herida. Na yegada di e ambulance nan a atende e victima y a transport'e pa hospital.

Polis a detene chauffeur burachi cu a ocasiona accidente na Bubali

Diabierna anochi a drenta informe di un accidente na Bubali, mesora a dirigi un patruya na e sitio.

Na yegada por a mira for di un distancia basta grandi cera cu "lint" unda no a permiti yega mas cerca. For di e distancia por a mira cu un unidad di C.E.A. a bini pa busca un chauffeur kende lo tabata burachi y a hib'e na warda di polis di Shaba.



Polis y ambulance a bay den e parkinglot di South Beach pa un hoben bay influencia



Diasabra madrug a drenta informe di cu lo tin un hoben bao influencia den e parkinglot patras di South Beach, mesora a dirigi tanto polis como ambulance na e sitio.

Na yegada di e patruya a bin

logra saca afo cu e hoben no ta droga pero si basta alcoholisa. Na yegada di e ambulance e hoben a nenga pa ser atendi. Na e sitio tabata tin un auto cu un sla di un muestra di habri porta dal otro auto polis a intermedia y a core cu e personanan presente.

Awa di yobida a sak mata riba wayanan di coriente na De La Sallestraat

Diabierna mainta un oficial si bombero a nota chispanan di candela dilanti Smith & Dorlas na De La Sallestraat y mesora a bati alarma y a dirigi tanto polis, bombero y hasta ELMAR pa bini na e sitio.

Na yegada di e patruya a nota e situacion cual debi na e yo-

bida e mata di kwihi a sak y a kibra 2 waya di coriente cu a cay den un plas di awa y tabata chispa candelanan di coriente. Na yegada di ELMAR mesora nan a kita e coriente anto a haci esaki sin a kita coriente di Smith & Dorlas cu a keda funciona sin problema te ora a resolve e problema.



Accidente pa falta di preferencia na Sero Blanco

Diabierna merdia a drenta informe di un accidente na e crusada dilanti Xin Da Chang na Sero Blanco, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda cu e chauffeur di un Kia Sportage a subi caminda y a bay dal riba un Hyundai Sonata. Afortun-



adamente e daño ta minimo y ningun hende a resulta herida y e doñonan mes a regla cu otro.

D.O.W. hunto cu bombero a impedi hendenan di bay caya haya coriente door di bao tera den caya

Diabierna mainta a drenta informe di tin matanan di palma cu ta saca huma y candela for di bao tera den Caya G.F. "Betico" Croes, mesora a dirigi unidad di bombero na e sitio.


Na yegada di bomberonan a

topa cu e personal di D.O.W. cu a bisa cu e coriente pa e spotlightnan abao den tera tabata haci kortsluiting y tabata tira chispanan di candela y esakinan por a dal hendenan coriente. Pa evita esaki net awe cu tin actividad den caya a kita e grupo aki for di e red di coriente.

Resultado Sorteo Augustus 9 y 10				Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO	DIADOMINGO			
2324	3145	4128	8590	DIARIO	KORSOU	SUPER4	FLAMINGO
0713	3179	SUPER5	3892	4301	4936	8710	3473
6293	9119	-	2248	7447	8633	SUPER5	4615
				3672	0368	-	6231

MERDIA	ANOCHI	DIADOMINGO MERDIA
CATOCCHI Sorteo # 4706 8982 8734 8769 X2 BIG 4 Sorteo # 4706 9625 X2 1XFF Sorteo # 2762 6057 ZODIAC Sorteo # 4706 9031 Virgo LUCKY 3 Sorteo # 1580 907 X2 FP	CATOCCHI Sorteo # 8618 1968 9982 8896 X3 BIG 4 Sorteo # 7662 8967 FP 1XFF Sorteo # 2367 1755 ZODIAC Sorteo # 6421 4484 Virgo LUCKY 3 Sorteo # 1351 974 X2	LOTTO 5 Sorteo # 2617 0 x Jackpot 0 x Match 4+ 3 x Match 4 168 x Afl. 12,00 Joker 32 Letter C Proximo Jackpot 380.000,- LOTTO DIA Sorteo # 6912 0 x Jackpot 7 x Match 4 214 x Afl. 8,00 01-16-21-25-28 Proximo Jackpot 120.000,- MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 400.000,- Afl. 600.000,- KORSOU Sorteo # QR Code
CATOCCHI Sorteo # 4707 5190 7766 0871 X2 BIG 4 Sorteo # 4707 9889 X2 1XFF Sorteo # 2763 9986 ZODIAC Sorteo # 4707 8536 Piscis LUCKY 3 Sorteo # 1581 731 X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 380.000,- LOTTO DIA Sorteo # 8913 0 x Jackpot 22 x Match 4 274 x Afl. 8,00 08-09-11-12-21 Proximo Jackpot 150.000,- MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 400.000,- Afl. 600.000,- KORSOU Sorteo # QR Code	





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Eagle : Centro Medico:
Tel. 587 9011 Tel. 584 5794

EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Estudiante deteni pa ‘trigger’ alarma falso di vigilancia di AI na scol



(AP) - Lesley Mathis sa cu loke su yiu muhe a bisa tabata malo. Pero nunca el a anticipa cu su yiu muhe di 13 aña lo keda deteni p’e.

E hoben a haci un joke ofensivo mientras e tabata chat online cu demas muchanan di su klas, activando e scol su software di vigilancia. Prome cu e mainta a caba, e hoben di Tennessee tabata bao detencion. El a keda interroga, a haci un buskeda y a pasa e anochi den un cel di prison, segun su mama a comenta.

Anteriormente den e dia, su amigonan a tenta e hoben tocante su complexion y a yam’e “Mexicano,” aunke e no ta. Ora cu un amiga a puntra kico e tabatin den plan pa diahuebs, el a publica “diahuebs nos ta mata tur Mexicano.”

Mathis a bisa cu e comentarioman tabata “malo” y “kens,” pero contexto a demostra cu nan no ta un menasa.

“El a pone mi sinti manera, esaki ta e Merca den cual nos tur ta biba?” Mathis a bisa di su yiu muhe su detencion. “E tabata e tecnologia kens aki cu ta kies palabranan aleatoriamente y no ta busca contexto.”

Sistemanan di vigilancia den scolnan Mericano ta monitor cada biaha mas tur loke e estudiante ta publica riba cuenta di scol y dispositivonan. Miles di distrito escolar den e pais ta usa software manera Gaggle y Lightspeed Alert pa monitor actividad di muchanan online, buscando señal cu nan lo causa daño na nan mes of otronan. Cu sos-

ten di inteligencia artificial, e tecnologia por dreña combersacionnan online y inmediatamente notifica oficialnan di scol y autoridadnan.

Educadornan ta bisa cu e tecnologia aki a salba bida, sinembargo criticonan a bisa cu e por criminalisa muchanan pa palabranan cu nan por bisa sin pensa hopi.

“El a crea un rutina di acceso di autoridadnan y su presencia den e bida di studiantenan, incluyendo nan cas,” Elizabeth Laird, director na Center for Democracy and Technology.

Scolnan ta aumenta vigilancia pa menasa

Den un pais cu ta cauteloso cu tiroteo na scol, varios estado a tuma un posicion mas fuerte contra menasa na scolnan. Entre nan, ta Tennessee, cual a aproba un ley di cero tolerancia den 2023 cu ta rekeri cualkier menasa di violencia grandi contra un scol keda reporta inmediatamente na autoridadnan.

E hoben di 13 aña deteni den augustus 2023 tabata mandando mensahe cu amigonan riba un funcion di chat conecta na su email di scol na Fairview Middle School, cual

ta usa Gaggle pa monitor e cuenta di e studiantenan.

Ora a hib’e prison, e hoben a keda interroga, a haci un buskeda pa wak si e tin cos riba su curpa y su mayornan no tabatin permiso di papia cune te e proximo dia, segun un demanda cu nan a entrega contra e sistema escolar. E no tabata sa dicon su mayornan no tabat’ey.

“El a bisa mi despues, ‘mi a pensa boso odia mi.’ E tipo di cos ey ta keda cu bo,” Mathis, mama di e mucha, a comenta.

Corte a ordena 8 siman di detencion na cas, un evaluacion psicologico y 20 dia na un scol alternativo pa e mucha muhe.

Gaggle su CEO Jeff Patterson, a bisa cu e sistema escolar no a usa Gaggle e manera cu mester. E proposito ta di haya señalnan di advertencia trempa y interveni prome cu e problemanan escala na autoridadnan, el a bisa.

“Mi deseo ta pa trata esaki como un momento pa nos tur siña, no pa un momento pa yama autoridadnan,” Patterson a declara.



Aurora Royal Pray Funeral Home & Crematory

Yerbi cunucu ta berde,
Seronan bisti di fiesta,
Cunucu ta cubri cu carne,
Valle tapa cu mainshi,
Tur ta grita, Si, y ta canta di alegria
Salmo 65:12,14

Agradecido y satisfecho pa lucual ela significa pa nos,
nos kier a anuncia fayecimento cristianamente di nos
tata, welo, swa y omo stima:



Don Pedro Marco Ismaël Bareño
Miho conosi como: Pedro, Opa,
Padushi, Mo Mal of Meneer Bareño.
*07-10-1939 †02-08-2025

Na nomber di su mayornan: †Teodomiro "Mimi" y
†Geertruida "Tuy" Bareño-Krozendijk

Su estimada esposa: †Clara Margaritha "Maritha"
Bareño-Frans

Su yiunan stima: Gina y Eder-Miguel Maury-
Bareño
Evelyne y Mischa Westerman-Bareño na Hulanda
John Bareño y famia
Ronald "Ronnie" Kock

Su nieta nan stima: Geanice Bareño
Aurora Westerman na Hulanda
Richella y Eseline Bareño
Gionanni y Juni Thiel

Su bisanieto nan: Richinell Bareño
Eden y Edeline Geerman

Rumannan den feliz memoria: Nia, Felipe, Iginia,
Dora, Maria Ramona, Jose, Clarita, Angélica, Olga,
Isaías y Venancio y nan respectivo famianan.

Swa y cuña nan stima: †Miro, Lucky, Esther, †Herry,
†Joy, †Lenin, Dexter, Aman, Bea, Ira, Adel y Paul y
nan respectivo famia nan.

Tur subrino y subrina y nan respectivo famia nan.

Primo y prima nan, bisinja nan, amiga y amigonan,
conocirnan.

Ex coleganan y ex alumno nan di John F. Kennedy
School y tur demas famia nan na Hulanda, Corsow,
Bonaire y Merca ta keda cordialmente invita.

Acto di intiero ta tuma lugar ariba Diamars 12 di
augustus 2025, di 2or pa 4or. Nos tata, welo, swa y
omo stima Don Pedro Bareño lo ta reposa den Misa
Pro Cathedral San Francisco na Playa y despues ta
sali pa Santana Catholico den Caya Ernesto Petrona.

Ocason pa condoleer lo ta: Dialuna 11 di augustus
2025. Di 7or pa 9or na Aurora Funeral Home.

Email adres pa manda condolencia: ginabareno@
gmail.com
Por sigi e acto di intiero pa medio di pagina di
facebook: Obituary Aruba.

Aurora Royal Pray Funeral Home & Crematory

"Señor ta mi wardador, min tin falta di nada. Den
cunucu di jerba berde e la ponemi sosega. E ta hibami
na awa trankil, pa mi bolbe haña forsa"
Salmo 23

Cu inmenso tristesa na nos curazon pero conforme
cu boluntad di dios, Nos ta anuncia fayecimento di:



Glenda Maria Tromp-Dijkhoff
*30 September 1959 – †7 Augustus 2025A

Na nomber di su:

Esposu: Godefrido (Frido) Tromp

Yiu nan stima:

Suyen Tromp

Glenfrid Tromp

Nieto(a) nan stima:

Xynia Ras & Kevin Rodriguez

Kaidan Oduber

Aziza Oduber

Bryan Tromp

Mia Tromp

Mayornan:

†Luisita Ras

†Levi Dijkhoff

Rumannan:

Haime Dijkhoff & famia

John Dijkhoff & famia

Vivian Dijkhoff & yiu

Elvis Dijkhoff

Mildred (Milly) Franken

Evelyn (Gina) Franken & famia

†Siegfrid Franken

Manera ruman:

Judith Ras & famia

Jacky Croeze & famia

Tanta nan stima:

Tantia Ras & famia

Tanta Mona Feliciano & famia

Tur tanta- & omonan, subrino & subrinanan, iha-nan,

cuñanan-, swanan, primo - & primanan & demas famia

na hulanda

Su querida amiganan cerca:

Marva Hart, Chedy Koolman, Ludwina Ras, Magaly

Paula, Mena Croes, Margarit & Sheila Bareño,

Cu un danki na Koningin Wilhemina Fonds y Sr.

Jose Dirks, Especialmente Señora Lola Geerman, Dr.

Daryani, Dr. Ladenius, Dr. Hertogen

Ex-Coleganan di Concorde Hotel, Morgens Island,

Eagle Resort & Casino.

Famia:

Tromp, Dijkhoff, Ras, Franken, Feliciano, Wolff,

Oduber, Geerman, Rodriguez y hopi mas.

Disculpa nos si den nos tristesa nos a lubida algun

persona/famianan

.

Oportunidad pa condolencia: Royal Funeral Home,

Dialuna 11 Augustus 2025 di 7:00pm – 9:00pm

Ta invita pa e acto di despedida cu lo tuma lugar

diamars 12 augustus 2025 di 9:00am – 11:00am na

Royal Funeral Home sigui pa e acto di cremacion cu lo

tuma lugar den den seno familiar.

Enbes di manda flor y/of krans nos lo aprecia donacion

Wilhelmina Kanker Fonds.

Nos disculpa pero despues di despedida nos no por

ricibi bishita di condolencia na cas.

Aurora Royal Pray Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curason, nos ta anuncia fayecimento di nos ser
stima:

Esteban Koolman
Cariñosamente
yama "Mo Banchie"
*12-06-1951 - †08-
08--2025

Acto di entio lo
wordo anuncia
despues.



Pa Semper Den Nos Curazon



yiunan Miriam y Shirley.

E tempo a yega pa Carmen
su ultimo lugar di sosiego.
Cinco aña despues di su
fayecimento, nos ta trece
nos mama, wela y bisawela
Carmen Franken-Geerman
bek Aruba. **Diamars 12 di**
augustus 2025 pa 10:00 AM
nos lo recorda Carmen den
e kapel na santana na
Oranjestad y despues nos lo
reuni Carmen cu su esposo
stima Isidro Franken y

Carmen Franken – Geerman

viuda di Isidro Franken

* 04-Nov-1929 - † 04-Oct-2020

Mayornan: †Eusebio y †Johanna Geerman

Yiunan: † Miriam y † Shirley

Carlos & Els

Nieta(o)nan: Angela & Brendo

Michel & Gianna

Tanya & Mark

Bisanieta(o)nan: Zilliandro & Yason

Shia, Amyas & Michael

Eliza

Rumannan: Elsa Angela – Geerman

Rosa Geerman

† Selpha Luydens - Geerman

† Jacobo Geerman

† Clarita Coutinho – Geerman

† Domi Geerman

† Mario Geerman

† Arturo Geerman

Demas Famianan y amistadnan

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Nos ta anuncia fayecimento di:



Yenny (Jenny) Margarita Croes-Márquez

*17-10-1945 - †05-08-2025

Na number di su:

Esposo:

Ricardo Croes

Yiunan y familia:

Nelson (Chito) Dirkz y Shahaira Schwengle

Milangela (Mili) Dirkz

Gregory Croes y Harmen Keuning

Richenne Croes y Marcus Maduro

Joanie Croes y Sancho Borsje

Nieta y nietonan:

Jeada Kocks, Igmarr Dirkz, Darrell Dirkz, Jocene

Krosendijk, Joey Krosendijk, Joa Krosendijk, Xev

Tromp y Figo Borsje

Bisnietonan:

Isaac Dirkz, Cayden Dirkz, Ruben Tromp

Mayornan:

†Teresa de Jesus Robles de Márquez

†Gregorio (Gollito) de Jesus Márquez

Rumanan:

†Clara Brown Vásquez

†Leda Vásquez

†Maria Ignacia Vásquez

†Gregorio (Papy) Márquez

Arlina Vásquez

Deniris Márquez

Elsa Márquez

Ondina Márquez

Vivian Márquez

Gladys Rasmijn

Tur subrino y subrinanan, cuñanan, swanan, primo- y primanan y demas famianan na Hulanda, New York, Venezuela, Boneiro, Boston, Colombia.

Querida amiganan cerca.

Amistadnan di bingo y di casino.

Caretakers di Trinity

Famia: Croes, Márquez, Dirkz, Borsje, Bossers, Brokke, Brown, Browne, Dania, Erasmus, Figaroa, Infanzon, Keuning, Kocks, Krosendijk, Leijdekkers, Maduro, Marval, Quijada, Ras, Schwengle, Tromp, Vásquez, Velásquez, Wallace, Winklaar

Disculpa nos si den nos tristesa nos a lubida algun persona/famia.

Oportunidad pa condolencia: Aurora Funeral Home, diamars 12 di augustus 2025 di 7:00 pa 9:00 pm

Ta invita pa acto di despedida cu lo tuma lugar diaranson 13 di augustus 2025 di 2:00 pa 4:00 pm, acto di cremacion ta tuma lugar den seno di famia.

Despues di entiero nos no ta risibi bishita di condolencia na cas.

Aurora

Royal Pray

Funeral Home & Crematory

“Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi”
Salmo 33

Cu dolor na nos curason, nos ta participa fayecimento di:



Lydia E. Donker
Cariñosamente yama “Tantan”

*02-12-1948 - †04-08-2025

Mayornan:
Donker-Luidens

Rumanan:
Colina & famia

Donker-de Mey & famia

Donker & famia

†Clemente Figaroa & famia

Gomez

Quandus-Kelly & famia

Thielman & famia

Wittehart & famia

Ihanan:

Comper: Joy Gomez

Subrino (a) nan: Jenny, Rocky, Ricky, Tecelly, Marc-
Anthony & Denwick

Raymond

Jairo

Armando

Omo y tanta nan:†Fernado & †Carolina Luidens-Gomez

†Cesar & †Robertina Luidens-Hieroms

†Aureliano & †Shon Rita Luidens-Arends

†Thomasa & †Anselmo Eckmeyer-Luidens

†Catarina & †Jose Erasmus-Luidens

†Cecilio Luidens

Sua & cuñanan, subrino(a)nan, primo(a)nan, comper & comernan & bisñanan

Famianan: Donker, Luidens, Wolf, Colina, de Mey, Erasmus, Figaroa, Gomez, Hoek, Edwards, Ventura, Maduro, Ranis, Lampkin, Dekker, Croeze, Lammes, Horn, Velez, Gonzalez, Croes, Hardeveld, Mercera, Salomon, Lopes Ferreira, Hieroms, Arends, Eckmeyer, Kelly, Quandus, Thielman, Wittehart, Jeandor & Trimon
Ta invita tur amigo(a)nan & conocirnan pa asisti na acto di entiero cual lo tuma lugar na Aurora Funeral Home dialuna 11 di augustus 2025 di 2’or pa 4’or di atardi. Despues lo sali pa Santana Catolico na Noord.
En bez di flor of krans lo tin un box disponibel pa “Stichting Hope”.

Nos disculpa si den nos tristesa nos a lubida algun famia y conoci.

Nos ta lamenta cu despues di entiero nos no ta ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Maria Crispina Leon
***05-12-1957 - †05-08-2025**

Acto di entiero lo wordo anuncia despues.

Aruba One Happy Island Lions Club cu campaña di recauda fondo pa Back to School 2025-2026

Un invitacion pa comunidad y comercio yuda nos muchanan cu tin mester

Aruba One Happy Island Lions Club a wordo acerca un bi-aha mas pa diferente famianan den necesidad, como tambe maestro y maestranan di diferente scol, pa nos por duna un man na alumnonan cu tin mester di tas, uniform y articulonnan escolar.

Nos muchanan ta futuro di nos pais y cada mucha mester tin e trankilidad y cu nan tin e articulonnan escolar pa nan por studia den un ambiente sano y sin preocupacion. Nos organisacion ta haci un apelacion na nos comunidad y comercio pa ban duna un man y yuda nos muchanan pa nan tin nan articulonnan pa scol.

Un y tur por yuda door

di haci un donacion riba e cuenta di banco di Fundacion Aruba One Happy Island Lions Club, Aruba Bank nr 6005880190 cu e descripcion Back2School 2025-2026. Ademá den fin di siman nos miembronan lo ta na Pric-smart pa ricibi donacion di comunidad.

Tur donacion ta yuda di chikito te grandi. Cu e donacion ricibi nos organisacion lo prepara tasnan di scol, cu uniform y articulonnan escolar y e muchanan lo ricibi esakinan prome cu scol inicia. Bo gesto y contribucion ta haci soño di un mucha realidad.

Contribucion di cada uno ta wordo aprecia.

Miles di hende na Costa di Marfil ta protesta contra e exclusion di lidernan di oposicion den eleccion

(AP) — Miles di Marfileño a subi caya na Abidjan, capital di e pais West Africano, pa protesta contra e exclusion di lidernan di oposicion pa e eleccion presidencial cu ta bin.

Costa di Marfil, un pais cu tin 32 miyon habitante y ta e economia mas grandi di West Africa francfono, ta programa pa tene un voto presidencial den october. Na comienso di e aña aki, cuatro figura principal di oposicion, incluyendo ex-presidente Laurent Gbagbo y ex-hefe di Credit Suisse Tidjane Thiam, a ser prohibi pa participa pa motibo cu e comision electoral a rechasa nan inscripcion.

Manifestantenan a uni diasabra mainta den Yopougon, un bario hopi pobla den e capital di Abidjan, cu borchinan cu mensahe manera: “Ya ta basta!” y “No tin democracia

berdadero sin husticia berdadero.”

Gbagbo y Thiam a uni nan forza na comienso di aña pa desafía e presidente actual Alassane Ouattara. E lider di 83 aña a anuncia luna pasa cu e lo busca un cuarto termino presidencial. Su candidatura ta ser desafía despues cu el a cambia e constitucion den 2016 pa kita e limitacion di termino presidencial.

“Nos ta miyones cu ta bisa Si pa Gbagbo y Thiam,” otro borch den e multitud a bisa.

“Nos no kier un cuarto termino, y nos kier pa e lista electoral ser revisa, esey ta loke nos ta pidi,” segun Sagesse Divine, un activista cu a uni na e marcha diasabra. “Nos kier pa tur nomber di candidatonan ser inclui, y nos kier tin un eleccion pacifico, esey ta tur loke nos kier.”

No tabatin comentario inmediato di parti di autoridadnan Marfileño.

Thiam, presidente di e Partido Democratico di Costa di Marfil, a gana e primario di e partido den un voto sin oposicion den april. Considera como e rival principal di Ouattara, el a ser prohibi pa participa den eleccion pa motibo cu e tabatin nacionalidad Frances na momento cu el a declara su candidatura, aunke despues el a renuncia su nacionalidad Frances. Ley Marfileño ta prohibi ciudadanonan cu dobel nacionalidad postula nan mes pa e presidencia.

Eleccionnan na Costa di Marfil usualmente a ser plaga cu hopi tension y violencia. Ora Ouattara a anuncia su intencion pa busca un tercer termino, varios hende a muri den violencia electoral.



Ouattara ta e mas reciente entre un grupo creciente di lidernan den West Africa cu ta keda na poder y cambiando e limitacion constitucional di termino.

Ouattara a hustifica su decision pa candidatura bisando cu Costa di Marfil ta enfrentando retonan di seguridad, economia y finanzas sin

precedente cu ta pidi experiencia pa maneha nan eficientemente.

Durante e ultimo decada, gruponan relaciona cu al-Qaida y e grupo Estado Islamico a move for di region Sahel pa drenta paisnan costero mas rico di West Africa, manera Costa di Marfil, Togo y Benin.

Netanyahu ta defende ofensiva militar nobo den Gaza y ta bisa cu e lo ta mas amplio cu loke a anuncia prome

(AP) — Prome minister di Israel Benjamin Netanyahu a defende diadomingo un ofensiva militar nobo den Gaza cu ta mas amplio cu loke a anuncia prome, declarando en medio di condenacion creciente na cas y den exterior cu Israel “no tin otro opcion cu finalisa e trabou y completa e derota di Hamas.”

Hasta mientras mas y mas Israeli ta expresa nan preocupacion tocante e guerra di 22 luna, Netanyahu a bisa cu e gabinete di seguridad a instrui siman pasa pa desmantela e puestonan di Hamas no solamente den Gaza City sino tambe den e “campamento central” y Muwasi. Un fuente familiar cu e operacion, cu a papia bou condicion di anonimidad pasobra e no tabata autorisa pa papia cu media, a confirma cu Israel tin plan pa haci esey den ambos area.

E campamentonan — unda mas cu mey miyon persona desplasa ta kedando, segun UN — no tabata parti di e anuncio di Israel diabierna. No ta cla dicon, pero Netanyahu a enfrenta critica e fin di siman aki den su mesun coalicion gobernante cu pa tuma Gaza City no tabata su-



ficiente. Netanyahu a bisa cu lo tin “zonanan di seguridad,” pero zonanan asina designa a ser bombardia den pasado.

Diadomingo atardi, tabatin reportahe di bombardeo intenso den Gaza City. Poco prome cu mey anochi, emisora Al Jazeera a bisa cu correspondiente Anas al-Sharif a muri den un atake. Rami Mohanna, director administrativo na e hospital cerca di Shifa, a bisa cu e atake a dal

un tent pa periodistanan di Al Jazeera pafo di e murayan di e hospital. Hunto cu al-Sharif, tres otro periodista y un chauffeur a muri.

E ehercito di Israel a confirma, alegando cu al-Sharif “a pretende di ta un periodista” y cu e tabata traha hunto cu Hamas. Al-Sharif mes a nega cu e tin algun afiliacion politico. E Comité pa Protege Periodistanan a bisa luna pasa cu e tabata sumamente preo-

cupa pa su seguridad y cu e tabata “un blanco di un campaña militar di difamacion di Israel.”

Merca ta defende Israel den reunion di Consejo di Seguridad

Merca a defende Israel, bisando cu e tin derecho pa dicidi loke ta mihor pa su seguridad. E tambe a bisa cu e acusacionnan di genocidio den Gaza ta falso.

Merca tin poder di veto den e consejo y por blokea accionnan proponi.

Otro miembronan di consejo, y oficialnan di UN a expresa preocupacion. China a yama “castigo colectivo” di e pueblonan di Gaza inacceptable. Rusia a adverti contra un “intensificacion irresponsable di hostilidadnan.”

“Esaki no ta un crisis di hamber cu ta acercando; esaki ta hamber di berdad,” Ramesh Rajasingham di e oficina humanitario di UN a bisa. “Condicionnan humanitario ta mas cu horrible. Francamente, nos no tin mas palabra pa bisa loke ta pasando.”

Israel ta enfrentando accion creciente di su mesun aliadonan mas cerca. Netanyahu a bisa cu Canciyer Friedrich Merz di Alemania a “entrega su mes” na presion internacional creciente ora el a para e exportacion di equipo militar pa Israel cu por ser usa den Gaza. Merz, di su parti, a bisa e emisora publico ARD cu Alemania y Israel ta papiando “di forma hopi critico” pero cu e politica general di amistad di Berlin no a cambia.

Bomberonan ta lucha pa preveni recurencia di incendio forestal mas grandi di Francia mientras residentenan ta bolbe cas

(AP) — Rond di 1.400 bombero a ser desplega diasabra den e region di Aude na sur di Francia pa preveni cu e incendio forestal mas grandi di e pais den decenas no cende atrobe, mientras tur residente a ser permiti pa bolbe cas.

Prefecto di Aude, Christian Pouget, a bisa cu e candela a ser controla for di diahuebs despues di kimamento di mas cu 160 kilometro cuadra di tera e siman aki den un region cu hopi mata y conoci pa su bodega di biña. Tur caminda a habri back, pero autoridadnan a impone un prohibicion estricto pa drenta den bosque, Pouget a bisa den un conferencia di prensa diasabra.

“E lucha ta sigui, bomberonan ainda ta traha riba dje,” el a bisa.

E candela a laga un persona morto y 25 hende herida, incluyendo 19 bombero, segun Pouget.

Temperaturanan halto den dianan cu ta bin ta spera di complica e esfuersonan di bomberonan.

“E candela no lo ser paga pa varios siman,” coronel Christophe Magny, director di departamento di bomberonan di Aude, a bisa, señalando varios “punto cayente” cu ta ser observa di cerca.

Servicio meteorologico nacional Meteo France a pone henter parti sur di Fran-

cia bou “alerta di vigilancia halto” pa olanan di calor, cu temperaturanan cu por yega te na 39 grado Celsius (102 grado Fahrenheit) den region Aude diasabra.

Den pais bisiña España, bomberonan a sigui combati un candela den provincia di Avila, mas cu 100 kilometro oriente di Madrid. Víctor Fernández, un tecnico na puesto di comando avansa, a bisa diasabra cu e candela a ser paga pero el a adverti cu e prome cu e proximo oranan lo ta “critico.” Ta anticipa cu e temperaturanan extremo lo continua te al menos e siman cu ta bin, segun e servicio meteorologico nacional di España.

E candela a cuminsa diabi-



erna atardi cu Unidad Militar di Emergencia di España trahando henter anochi pa ten’e bou control y prevenie yega cerca di caminda y liñanan di trein.

Sur Europa a mira varios can-

dela grandi durante e verano aki. Cientificonan ta adverti cu cambio climatico ta empeora e frecuencia y intensidad di calor y segura, haciendo e region mas vulnerable pa incendio forestal grandi.

Zelenskyy ta rechasa entrega formalmente territorio Ucrainiano

(AP) — Presidente Ucrainiano, Volodymyr Zelenskyy diasabra a rechasa e idea cu su pais lo entrega territorio pa caba cu e guerra cu Rusia, despues cu presidente Mericano, Donald Trump a sugeri cu un acuerdo di paz lo por inclui “algun intercambio di territorio.”

Zelenskyy a bisa cu Ucrania “no ta bay duna Rusia ningun premio pa loke a haci” y cu “Ucrainianonan no ta bay entrega nan tera na e ocupador.”

Mas laat diasabra, oficialnan Europeo y Ucrainiano a reuni cu vice-presidente Mericano, JD Vance na Inglatera pa discuti con pa pone un fin na e guerra di mas di tres aña. E combersacion a yega despues cu Trump a bisa cu lo reuni cu Vladimir Putin hasta si e lider Ruso no reuni cu Zelenskyy.

Representantenan di Reino Uni, Francia, Alemania, Italia, Finlandia y Polonia a atende e reunion na Kent, Zelenskyy a bisa den un post riba X, yamando e combersacionnan constructivo. “Mi no a tende ningun partner expresa duda tocante e habilidad di Merca di sigura cu e guerra ta caba,” Zelenskyy a bisa. “Presidente di Merca tin e manera y e determinacion.”

Anteriormente e mesun dia, Zelenskyy a rechasa e cum-


bre planea entre Trump y Putin, programa pa diabierna na Alaska, bisando cu cualkier negociacion pa pone fin na e conflicto mas grandi na Europa desde Segundo Guerra Mundial mester inclui Kyiv. “Cualkier decision cu ta sin Ucrania ta na mes momento decision contra paz. Nan no ta bay trece nada. Esakinan ta decisionnan morto. Nan nunca ta bay traha,” el a bisa.

Oficialnan Ucrainiano anteriormente a bisa AP di manera priva cu Kyiv lo ta na fabor di un acuerdo di paz cu lo reconoce de facto e inhabilidad di Ucrania di recupera territorionan perdi di manera militar.

Cumbre Trump-Putin

E reunion entre Trump y Putin por proba clave den un guerra cu a cuminsa ora Rusia a invadi su bisiña occidental y a conduci na diesmiles di morto, maske no tin garantia cu lo stop e combate ya cu Moscu y Kyiv ta keda leu di otro den nan condicionnan pa paz.

“Ta parece enteramente logico pa nos delegacion pa bula crusa e Bering Strait simplemente, y pa un cumbre asina importante y anticipa di e lidernan di e dos pais tuma lugar na Alaska,” consehero di asunto exterior di Putin, Yuri Ushakov, a bisa diasabra den un declaracion publica riba canal noticiero di Kremlin.



Presidente di Union Europeo y lidernan di Francia, Alemania, Italia, Polonia, Finlandia y Reino Uni a duna un declaracion conhunto fin di diasabra den sosten di Ucrania y e fin di e guerra. “Nos t convenci cu solamente un maneho cu combina diplomacia activo, sosten pa Ucrania y presion riba Federacion Ruso pa stop nan guerra ilegal por ta exitoso,” segun e declaracion.

Den su comentarionan na Cas Blanco diabierna, Trump no a duna ningun detaye di e “intercambio di territorio.” Analista, incluyendo algun cercano na e Kremlin, a sugeri cu Rusia por ofrece pa entrega territorio cu ta controla pafó di e cuatro region cu ta bisa a anexa.

Trump a bisa cu su reunion cu Putin lo yega prome cu



cualkier discusion na mesa involucrando Zelenskyy. Su anuncio cu e tabatin plan pa ricibi un di e adversarionan di Merca riba tereno Mericano a kibra expectativa cu nan lo reuni na un pais tercero.

Ultimatum y sancion

Prome cu Trump a anuncia e cumbre, su esfuersonan pa presiona Rusia pa stop e combate no a duna ningun progreso. Trump a pospone un ultimatum pa impone sancion adicional riba Rusia introduci tarifa secundario riba paisnan cu ta cumpra petroleo Ruso si e Kremlin no move den direccion di un resolucion. E deadline tabata diabierna. Cas Blanco no a contesta pregunta diasabra tocante posible sancion.

E ehercito mas grandi di Kremlin ta poco poco avansando mas profundamente den Ucrania, cu un costo enorme di trupa y arma mientras ta bombardia ciudadnan Ucrainiano sin stop.

Rusia y Ucrania ta intercambia atake

Diasabra, dos hende a muri y 16 a resulta herida ora un drone Ruso a dal un minibus den suburbio di e ciudad Ucrainiano di Kherson, segun gobernador regional, Oleksandr Prokudin. Dos otro a muri despues cu un drone Ruso a dal nan auto den region Zaporizhzhia, segun gobernador regional, Ivan Fedorov.

Forsa aereo Ucrainiano a bisa cu a intercepta 16 di e 47 drone Ruso lansa den anochi, mientras 31 drone a dal nan obhetivonan na 15 diferente ubicacion. A bisa tambe cu a tira abao un di e dos misil cu Rusia a desplega.

Ministerio di Defensa Ruso a bisa cu su defensanan aereo a tira abao 97 drone Ucrainiano riba Rusia y Lama Preto den anochi, y 21 mas diasabra mainta.